

**Siunnersuummut nassuaatit****Nalinginnaasumik oqaaseqaatit****1. Aallarniut****1.1.**

Siunnersuut Naalakkersuisut suliffissaaleqinerup annikinnerulersinniarnerani anguniagaannut ilaavoq, ataatsimoortumik imaluunniit ataasiusumik kalaallit suliffeqarnermi ingerlatsiviannik pilersitsinikkut, tassanilu ingerlatsineq piginnaaneqarfiusumik naammattumillu atortussaqartumik aaqqissuussaatillugu. Siunnersuut una isumannaarissaaq ”matumut ataatsimut politik-kimik”, suliffissanut, ilitsersuisarernut pikkorissaqqinnernillu ingerlatsisarerni, taamalu suliffissaaleqisut aamma inuusuttut suli suliffeqarnermut pulasimanngitsut pilersaarusuun-neqarsinnaaqqullugit, qanoq aaqqissuussisoqarneratigut iluatitsiviusumik ingerlaqqissinnaandersut, piffissallu ingerlanerani suliffeqarnermut utseqqillutik, ikiorneqarlutillu nunatsinni suliffissanut nassaassaasunut.

Suliffeqarnermi inatsisit maanna atuuttuusut annertuitigut allaaserivaat kommunit aamma kommunalbestyrelsit assigiinngitsunik iliuuseqassasut, suliniutinillu assigiinngitsunik aallartitsisarlutik.

Kommunit sisamaasut ingerlatsinermanni assigiinngitsumik aaqqissuussisimapput, kommunit akornanniinnaanngitsoq, aammali kommunip nammineq killeqarfiisa iluani. Tamatuma ajornakusoortippaa allaffissornikkut assigiissaakkamik ingerlatsinissaq, suliuusunik ilinniartitsineq nunamullu tamarmut ataatsimoortunik atuuttussanik suliniuteqarsinnaaneq. Tamatuma pisariaqartippaa sumiiffinnut ataasiakkaanut tunngatillugu annertuumik pissutsinut ilisimas-qarnissaq, immikkuualuttunut aamma tunngatillugu, kommunini ataasiakkaani immikkoortunut ataasiakkaanut naapertuuttumik suliniuteqarsinnaajumalluni. Innuttaasullu sumiikkalu-arunilluunniit assigiimmik sullinneqarnissamik qularnaariffigineqanngillat, taamaattoqarneratalu innuttaasut ilaat piginnaanilinnit eqaatsumillu sullinneqarnissamik periarfissaqartinngilaat, taamalu nunap suatungaani najugaqarneq tunngavigiinnarlugu periarfissinneqassanatik.

Suliassat ullumikkut Piareersarfinit Suliffissarsiuussisarfinnillu isumagineqartartut, sumiiffinni arlaqartuni imminnut aporaapput, tamatumalu kingunerisaanik marloqiusamik allaffissornikkut sullissisoqarluni. Tamannalu ilaatigut takuneqarsinnaavoq qarasaasianut programmini – database-ni – assigiinngitsuni marlunni Winformatik-imi aamma IT-REG-imi nalunaarsuisarnermi, taamaattumillu amerlasuutigut innuttaasumut ataatsimut iliuusissanut pilersaarutinik arlariinnik suliaqartoqartapoq, ataqtigiaqqaagaanngitsunik. Iliuusissatullu pilers-

saarutit isumaginnittoqarfimmmit suliat ilanngukkaanni ilimanaannaavoq innuttaasoq ataaseq iliusissatut pilersaarutinik assigiinngitsunik pingasunik taakkunanngaluunniit amerlanernik sanaanneqartartoq, ataqtigissaagaangngitsunik, imaluunniit allaat imminnut assortuutuusin-naasartunik. Tamanna aamma atuuppoq ilitsersuisarnernut innuttaasullu pikkorissartinneqartarneranni, tassani innuttaasumik aalajangersimasumik siunnersuilluni ilitsersuisarneq pikkorissaqqititsarnerlu suliffissarsiuussisarfimmi aalajangersimasumik sammiveqarsinnaasoq, Piareersarfimmilu inummik taassuminnga siunnersuineq allamut sammiveqarsinnaalluni, isumaginnittoqarfimmilu aamma suli siunnersorneqarneq allaasinnaalluni.

Suliffeqarnermut Siunnersuisoqatigiit, kiisalu Suliniut nr. 2-mi suleqatigiissitaq, Naalakkersuisut pitsaanerusumik suliffissaqartitsinissamik anguniagaanni naliliipput kommunini ingerlatsiviit naammattumik isumannaartanngikkaat inuttaasut pisariaqartitsinertik naapertor-lugu siunnersorneqarnissaat, pisariaqartumillu ikiorserneqartarnissaat, suliffeqarnermut qaninnerulersinniarlugit. Nalilersuineq taanna aamma ilalersorneqaqqippoq Inuussutissarsior-nermut, Suliffeqarnermut Niuernermullu Naalakkersuisoqarfiup kommunini suliffeqarnikkut suliniutinik 2014-imni aamma 2015-imni misissuinerani. Tassani ersarissivoq suliffissarsiuus-sisarfiit, isumaginnittoqarfiiit aamma Piareersarfiiit sulisukippallaartut, sulisuusullu annertuu-tigut suliassanut tunngatillugu piginnaanernik aammalu inuttut piginnaanernik suliassanik naammassinnissinnaassagunik amigaateqartut. Illoqarfinni sulisunut nalunaarsuutit takutip-paat ataatsimut isigalugu sulisussanik suliassanut naleqquttunik amigaateqartoqartoq, sumiif-fiillu ilaanni taamaallat innuttaasumut ataatsimut minutit arfinillit immikkoortinneqarsinnaa-sartut, - sapaatip akunneranut, suliffeqarnermut tunngasutigut suliniutissanut, suliassanik ingerlatsinissamut piffissaq ilanngutereerlugu. Illoqarfinni tamangajanni suleriaatsit allaaseri-neqarnerat amigaataavoq, inatsisinullu atuuttunut ilisimasassat suliassaqarfimmut tunngasut naammattut pigineqaratik.

## **1.2. Ingerlatsiviit assigiissaakkamik ingerlatsiffiusut pitsaanerusumik assigiinnerusumi-llu innuttaasunut sullisseriaaseqartarpuit.**

Nuna tamakkerlugu anginerusunik assigiissaagaanerusunillu ingerlatsivinnik pilersitsinikkut, kommunini suliffeqarnermi suliassanik ataatsimut ingerlatsineq eqqarsaatigalugu, ataatsimut misilitakkat tunuliaqutaralugit pilersitsisoqarsinnaavoq assigiissaakkaniq naammassisqaqrifi-nerusunillu suleriaatsinik, immikkut fagitigut ilisimasallit ilisimasaasa tamanit pitsaaneru-sumik nukittunerusumillu iluaqtissarsivigineqarsinnaasumik. Tamanna suliffeqarnermut ilu-aquataassaaq, - ataatsimut, aammalu innuttaasunut, innuttaasorlu qitiusutut inissinneqassalluni, pitsaanerpaamik siunnersorneqarsinnaanngorlugu, pikkorissarsinnaaqquullugu ikiorser-neqarsinnaaqquullugulu suliffeqarnermigut inuaqtigigiinni iluaquaasinnaanerminut, taamalu annertunerpaamik nammineq inuunermini aqutsisuulersinnaaqquullugu.

Piareersarfiiit aamma Suliffissarsiuussisarfiit ataatsimuulersinnerisigut, suliffisanut, ilit-sersuisarnernut pikkorissaqqinnernullu qitiusumik ingerlatsivittut, suliassat ataatsimut assi-

giinnerulissapput, naatsorsuutigineqarlunilu suliassat pitsaanerusumik sukkannerusumillu naammassineqartalernissaat. Tamatumalu saniatigut marloqiusamik sullissineq annertuumik annikillineqassaaq.

Siunnersuut ilassuserneqassaaq suliffissarsiuussisarneq il.il. pillugit Inatsisartut inatsisaata nr. 5-ip 8. juni 2014-imeersup allanngortinneqarneranik, tassanilu suliffissaaleqisut pisussaaffilerneqassapput CV-iiminnik suliffisanut nalunaarsuiffimmut 2015-ip ukiaani atortuulertsatut naatsorsuutigineqartumut allakkiaqartalernissaannik.

## **2. Siunnersummi immikkoortut pingaarcerit**

**2.1.** Kommunini illoqarfinni tamani suliffisanut, ilitsersuisarnernut pikkorissaqqinnernullu qitiusumik ingerlatsivinnik pilersitsisoqassaaq. Suliffisanut, ilitsersuisarnernut pikkorissaqqinnernullu qitiusumik ingerlatsiviit maannamut Suliffissarsiuussisarfiit aamma Pia-reersarfiit suliaannik suliaqassapput. Inatsisit suliassanut assigiinngitsunut tunngasut suli inatsisisinit allanit aalajangersagaapput. Siunnersuullu una taamaasilluni taamaallaat suliffisanut, ilitsersuisarnernut pikkorissaqqinnernullu suliassaqarfimmut tunngavoq, aammalu Ilanni-artitaanermut inuussutissarsiatinillu siunnersuisarneq pillugu Namminersorlutik Oqartussat inatsisaanni nr. 4, 29. november 2013-meersumi aalajagersakkanik ilaneqassalluni.

Kommunit qitiusumik ingerlatsivinnik pilersitsinermut ilaliullugu isumannaassavaat kommunimi ingerlatsiviup immikkoortup suliassat taakkua kisiisa ingerlatarissagai.

Siunnersummi siunertaavoq suliffeqarnerup tapersorsorneqarnissaa, suliassaqarfimmilu piginnaasat ataatsimut katarsorneqarnissaat, inuuusuttu suli suliffeqarnermut ikaarsaarsimanngitsut ikiorsersinnaajumallugit, aamma suliffissaaleqisut allat suliffeqarnermut pulatissinnaajumallugit imaluunniit utertissinnaajumallugit.

Tamatuma saniatigut innuttaasut suliffissarsiortuunngitsut pikkorissaqqittarnissaat neqeroortigineqassaaq. Siunertaavoq ilinniarsimassutsip kivinnejarnissaa aammalu innuttaasut ataasiakaat piginnaasaasa nukitorsarnissaat.

## **2.2. Fagitigut susassaqartunik naleqquttunik suleqateqarneq**

Isumannaarumallugu innuttaasut kommunini pitsaanerpaamik sullinneqartarnissaat, aalajangiisuuvoq suliffisanut, ilitsersuisarnernut pikkorissaqqinnernullu qitiusumik ingerlatsiviit innuttaasut maannamut suliffeqarnermut attuumassuteqarnerannut paasissutissanik pisariaqartunik tamanik paasissutissaateqartarnissaat, tamatumani aamma paasissutissanik, sooq innuttaasup suliffeqarnerup avataaniinnera pillugu, kiisalu ilinniarsimassutsikkut pikkorissarsimannkullu ilisimasat piginnaasallu tamaasa eqqarsaatigalugit. Taamaasilluni innuttaasumut ataatsimut iliuusissatut pilersaarut ataaseq taamaallaat suliarineqartariaqarpoq. Inassutigineqas-

saaq iliuusissatut pilersaarut IT-REG-imi suliarineqartassasoq. Tamatumia pisariaqartippaa kommunimi qanittumik isumaginnittooqarfimmut ilinniartitaanernilu susasaqartunut suleqateqarneq, tamatumani aamma isumaginninnermut allaffimmut meeqqallu atuarfiannut.

### **2.3. Naammassisassanut isumaqatigiissutit**

Piareersarfiiit 2006-imi aallartinneranniilli naammassisassanut isumaqatigiissutit Piareersarfinni tamani ingerlatsineq aqtaraat. Taamatut aaqqissuussinermi misilitakkat annertunesrusutigut pitsasuuupput, taamatut aaqqissuussinikkut sulisussat pisariaqartinneqartut amerlas-susissaat kiisalu ukiumi aningaasaliiffiusumi ataatsimut anguniagassat qularnaarneqartarmata.

Nutaanik suliffisanut, ilitsersuisarnernut pikkorissaqqinnernullu qitiusumik ingerlatsivinnik pilersitsinikkut naammassisassanut tunngatillugu maanna kommuninut isumaqatigiissutaasatut ilassuserneqartussaassapput, suliffissarsiuussisarfiiit ingerlanneqarnerannik suliassaannillu. Suliffisanut, ilitsersuisarnernut pikkorissaqqinnernullu qitiusumik ingerlatsivinnut aningaasaliissut naammassisassanut isumaqatigiissummi suliassanut nalunaaqutsorsorneqassapput, periarfissaqaqrifiisigullu angusassatut siunnerfiusut aalajangersarneqartassallutik. Siunertaasoq tassa isumannaassallugu aningaasaliissut kommuninut tunniunneqartut suliffisanut, ilitsersuisarnernut pikkorissaqqinnernullu qitiusumik ingerlatsivinni suliassanut atorneqartassat, taamalu suliassaqafrimmi tessani sulisuuusut suliassaminnik ingerlatsillutilu immikkut ilisimasassanik katersisinnaassassasut. Siunnersuutigineqarpoq suliffisanut, ilitsersuisarnernut pikkorissaqqinnernullu qitiusumik ingerlatsiviit kommunini suliassanut allanut allaffissornikkulu ingerlatsinermut pitussimassanngitsut, taamalu uani aningaasaliissut ingerlatanut allanut atorneqarsinnaassanngitsut.

### **3. Pisortanut aningaasaqarnikkut allaffissornikkulu kingunerisassai**

Siunnersuut pisortanut aningaasaqarnikkut allaffissornikkulu assigiinngitsutigut kingune-qartussaavoq.

Aallaavittut siunnersuut aningaasartuuteqarnerulernermik kinguneqartussaanngilaq, suliassat pineqartut ullumikkut suliarineqartareermata, kommuninullu ataatsimoortumik tapiissutitsigut aningaasalersorneqarlutik maannakkulu aningaasanut inatsimmi aningaasat pigineqartunit soorlu Piareersarfiiit.

Naatsorsuutigineqarpoq siunnersuummi suliassat pineqartut, piffissaq ikaarsaariarfiusoq naammassipat maannamiit akikinnerusumik sukkanerusumillu qitiusumik ingerlatsivinni ingerlanneqartalissasut, qitiusumik ingerlatsivinni sulisuuusut immikkut ilisimasaqalersismassamata - specialiserersimassammata, - misilitakkaminillu akunnerminni iluaquteqarsin-naalissallutik. Piffissami aallarnisaaffiusumi imaassinjaavoq qaffasinnerusumik Namminersorlutik Oqartussaniit aningaasaliisoqartarnissa pisariaqarsinnaasoq, sulisuuusut pisariaqartumik piginnaanngorsarneqarnerannut assigisaannullu.

#### **4. Inuussutissarsiortunut aningaaasarsiornikkut allaffissornikkullu kingunerisassai**

Siunnersuut inuussutissarsiortunut aningaaasarsiornikkut allaffissornikkullu kingunissanik imaqanngilaq.

#### **5. Avatangiisinut, pinngortitamut inuaallu peqqissusiannut kingunissai**

Siunnersuut avatangiisinut, pinngortitamut inuaallu peqqissusiannut kingunissanik imaqanngilaq.

#### **6. Innuttaasunut kingunerisassai**

Nalilerneqarpoq siunnersuut innuttaasunut aningaasaqarnikkut kinguneqartussaanngitsutut. Allaffisornermut tunngatillugu innuttaasunut oqinnerulertertussaassaaq, saaffiginniffissaq ataa-siinnaalissammatt. Tamatumalu saniatigut anguniagaavoq innuttaasunik sullissinerup pitsaane-rulernissaa piuminarnerulernissaaluu.

Nunaqarfinni inoqarfinnilu najugaqartut sullinneqartassapput qitiusumik ingerlatsivinnit 17-ilusunit, naammassisassanut isumaqatigiissut tunuliaqutaralugu. Qitiusumik ingerlatsiviit sorliit nunaqarfait sorliit sullitarissaneraat naammassisassanut isumaqatigiissummi ersissaaq. Tamatumunnga atugassatut qitiusumik ingerlatsivinnut aningaaasaliissutit ilaat Nunaqarfait aamma inoqarfait sullinneqartarnerannut immikkoortitaassapput.

#### **7. Kingunerisassai allat pingaarutillit**

Siunnersuut Naalagaaffeqatigiinnermut sunniuteqassanngilaq, namminersorermillu annertunerusumik pilersitsissanani.

#### **8. Pisortanut kattuffinnullu tusarniaaneq**

Siunnersuut piffissami 3. juni-miit 7. august-imut 2015 ukununnga tusarniaassutigineqarsimavoq:

Naalakkersuisut Siulittaasuata Naalakkersuisoqarfia, Aningaasaqarnermut Naalakkersuisoqarfik, Ilaqutariinnermut Naalakkersuisoqarfik, Naligiissitaanermut Isumaginninnermullu Naalakkersuisoqarfik, Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoqarfik, KANUKOKA, Qeqqata Kommunia, Kommune Kujalleq, Kommuneqafik Sermersooq, Qaasuitsup Kommunia, Kalaallit Nunaanni Sulisitsisut, NUSUKA, SIK, IMAK, Atorfillit Kattuffiat aamma ASG.

Tamatumalu saniatigut siunnersuut tamanut ammasumik Namminersorlutik Oqartussat qu-persagaanni tusarniaassutigineqarsimavoq.

Ukunanngalu tusarniaanermi akissutinik tigusaqartoqarpoq:

Ilinniartitaanermut, Kultureqarnermut, Ilisimatusarnermut Ilageeqarnermullu Naalak-kersuisoqarfik, Kalaallit Nunaanni Sulisitsisut, IMAK, Naalakkersuisut Siulittaasuata Naalak-kersuisoqarfiani nunami namminermi pissutsinut immikkoortortaqarfik, Ilaqtariinnermut, Naligiissitaanermut Isumaginninnermullu Naalakkersuisoqarfik, Aningaasaqarnermut Naalakkersuisoqarfik, KANUKOKA, Qeqqata Kommunia, Kommune Kujalleq, Kommu-neqarfik Sermersooq.

Uani tulliuttuni tusarniaanermi akissutaasut sammineqassapput, aamma tusarniaanerup na-laani allannguutissatut siunnersuutit tiguneqartarsimasut. Oqaatigineqassaaq tusarniaanermi akissutaasuni – *uingasumik allatut nalunaarneqartut* – taamaallaat pingaarnersiorlugit is-suarneqartarmata, ataatsimut naliliinermik tunngaveqartumik.

Tusarniaanermi akissutaasut tamarmiutilugit Inatsisartut ataatsimiititaliaannut suliamik inger-latsisussamut nassiunneqarput.

Tusarniaanermi akissutit arlaqartut siunnersuutip kommunit aqunneqarnerannut inatsimmut qanoq attuumassuteqarneranut tunngasuupput, kiisalu paasissutissanik paarlaasseqatigiittar-nermut aamma tunngasuullutik.

Kommunit aqunneqarnerannut tunngatillugu kalaallit inatsisiilornerat annertuutigut danskit kommuninik aqtsinermut inatsisaannik aallaaveqartumik suliaavoq, tassanilu ileqqut misilit-takkallu Danmark-imi kommunit aqunneqarnerannut aaqqissuussinernik tunngavilimmik suliaalluni. Kalaallit kommuni aqtsinermut inatsisaannik qanoq paasinninnerup suliarisarnerani danskit paasinninnerannut ileqqinullu qanittumik inissittoqartassaaq, Kalaallit Nunaanni inatsimmik paasinninnermik aalajangersaasarnerni, taamaattoq kalaallini pissutsit tunngavi-galugit allaassutaasut isiginiarlugit.

Tigussaasumik tusarniaanermi akissutigineqartuni apeqqutit tigussaasut kommuninik aqtsi-nermut tunngasut aammalu paasissutissanik paarlaasseqatigiittarnermut tunngasut eqqarsaati-galugit, innersunneqarsinnaavoq 7. juli 2010 allakkiaq ”Suliffissarsiuussisarfiit aamma kommunimi ingerlatsiviit sinnerisa akornanni suliassat agguaanneqarnerat”, Kommunit Kat-tuffianniit suliaasoq.

Allakkiami pineqartumi nassuaateqarfingineqarput danskit suliffissarsiuussisarfiisa kommunini lu ingerlatsiviit allat akornanni suliat qanoq agguataarneqarnersut, tamatumani aamma aningaasat ikorsiissutit tunniunneqartarnerannut allaffiup aamma innuttaasunik kiffartuussi-vimmi suliassat qanoq inisisimanersut.

Allakkiami ersarissumik nassuaavigineqarput danskit inatsisaat aamma nalunaarutit ar-laqartut naapertorlugit suliffissarsiuussisarfinni suliassat suliarineqartartut suuneri, takuuk

”Nalunaarut; tassani erseqqissarneqarmat suliassat suut eqeersimaartumik suliffissarsiuussisarneq, isumaginninnermut politikki eqeersimaartoq aamma napparsimanersiutit pillugit inatsit naapertorlugu suliassat suut suliffissarsiuussisarfinnit suliarineqartussaanersut.”

Aamma takuuk una; ”Tunngaviusumik oqaatigineqassaaq nalunaarut atuarneqartussaammat suliassatut suliffissarsiuussisarfinni (jobcenter) *suliarineqartussatut.*”

Allakkiamilu ersippoq;

”Kommunini suliffissaqartitsiniarnermi suliniutit suliffissarsiuussisarfimmit ingerlanneqartut” inatsit pineqartoq naapertorlugu imaqarpoq akisussaaffinnik aqutsinissamillu suliffissarsiuussisarnermi suleriaatsimik eqingasumik, § 13, aamma nalunaarummi § 2:

- Inatsit pineqartoq naapertorlugu suliffissaqartitsiniarnermi eqeersimaartumik suliniutit tamarmik (inatsit naapertorlugu aningaasat tunniunneqartartut ilanngullugit).
- Isuaginninnermut politikkimi eqeersimaartumi suliffissaqartitsiniarnikkut suliniutit, napparsimanersiutinut inatsit, naartunermi meerartaarnermilu sulinngiffeqartarnermut inatsit aamma qimaasut akuulersinniartarnerannut inatsit, tassunga ilanngullugit qimaasutut nuuttut akuulersinniartarnerannut atatillugu danskisut ilinniartitaaneq, qimaasunut inatsit naapertorlugu.
- Suliffeqarfinnut sammititaasumik isuaginninnikkut neqeroorutit ingerlanneqarnerat.
- Ilinniartitaanerit immikkut aaqqissuussat.

Soorlu qulaani takuneqarsinnaasoq danskit nalunaarusiaanni suliassat ataasiakkaat qanoq aquunneqarnissaat aaqqissuussaavoq, soorlu siunnersuummi uani aamma taamaaliortoqartoq.

*Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoqarfiup nalunaarpaa iluaqutaasumik inatsisissatut siunnersuutip aamma Ilinniartitaanernut aamma inuussutissarsiutinut siunnersuisarneq pillugu Inatsisartut inatsisaanni nr. 4, 29. november 2013-imi § 11-ip akornanni pissutsit nassuiaateqarfigineqarsinnaasut.*

Nassuiaatini erseqqissaatigineqareerpoq ilinniartitaanernut inuussutissarsiutinullu siunnersuisarneq pillugit Inatsisartut inatsisaat tamarmiusoq aamma suliffisanut, ilitsersuisarnermut pikkorissaqqinnernullu qitiusumik ingerlatsivinni una siunnersuut naapertorlugu pilersinneqartussani aamma atuummat.

Ilinniartitaanermut inuussutissarsiutinullu siunnersuisarneq pillugu Inatsisartut inatsisaat nr. 4, 29. november 2013-imeersoq naapertorlugu kommunalbestyrelsit pisussaaffigaat qitiusumik ilinniartitaanernut siunnersuisarfinnik pilersitsisarnissaq. Inatsimmut nassuiaatini ersippoq pisussaaffik taanna naammassineqarsinnaasoq Piareersarfiit pioreersut aqqtigalugit.

Siunnersuut una qitiusumik ingerlatsiviit kommunalbestyrelsit pilersitassaasa suliassaannut tunngavoq, suliffissarsiuussisarnermi pisussaaffit naammassiniarlugit, tamatumunngalu atatillugu ilitsersuisarneq pikkorissaqqinnerillu ilanngullugit ingerlatsinermi suliassanut tunngasut.

Tamaattumik kommunalbestyrelsimit periarfissaqarpoq naammassiumallugu pisussaaffik Inatsisartut inatsisaanni nr. 4, 29. november 2013-imeersoq, ilinniartitaanernut siunnersuisarnernullu inatsimmi § 11-imiiittoq, suliffisanut, ilitsersuisarnernut pikkorissaqqinnernullu qitiusumik ingerlatsivimmik pilersitsinikkut naammassissallugu.

*Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoqarfik aamma aperivoq Namminersornerullutik Oqartussat nalunaarutaat nr. 17 ulloq 16. oktober 2007 Piareersarfinni qitiusumik ingerlatsiviit suliaminnik ingerlatsinerat il.il. naliliisarneq pillugu aamma Suliffeqarnermut, suliffissarsiortut ilinniagaqalerniartullu sulilersinneqartarnissaannut kiisalu Kalaallit Nunaannut suliartortartunut tunngasunik komunalbestyrelsit paasissutissanik nalunaaruteqartarnissaat pillugu Namminersornerullutik Oqartussat nalunaarutaat nr. 20 19. novembari 2007-imeersoq atorunnaarsitsereernermermi atuutiinnassanersut.*

Nalunaarutit atortuusut ingerlaqqikkallassapput.

*Kalaallit Nunaanni Sulisitsisut (GE) siunnersuummut iluarisimaarinnippuit. Tikkuaarpaallu isumaliutigisariaqartoq inatsimmi periarfissaqartitsisoqassannginnersoq sumiiffinni ataatsimiiitalianik pilersitsinissamut, inuussutissarsiortut sinniisuutitaqarfingisinnaasaannik.*

Siunnersuut tusaatissatut tiguneqarpoq, siunnersuummilu aalajangersakkamik pilersitsisoqar-luni, § 5, imm. 2, communalbestyrelsit periarfissaqalersillugit ataatsimiitalianik siunnersuisartunik pilersitsinissamut, inuussutissarsiortunit peqataaffigineqartumik.

*Aamma GE-ip nalunaarpaa pisariaqartoq naammattunik atortussanik immikkoortitsisoqarnissaa. Nassuaatini ersinngilaq naatsorsuutigineqartoq siunnersuut aningaasartuuteqarnerulernermik kinguneqassasoq, kisiannili naatsorsuutigineqarluni ilinniartut amerlaneruler-nissaat. Taamaattumik GE-p siunnersuutigaa aningaasaliissutit ilaat atorneqassasut ilinniartut Piareersarfinniit inuussutissarsiutinut ilinniarfinnuit ilinniartunngortinnejartarnerannut.*

AI2015-imi aamma AIS2016-imut aningaasaliissutinik immikkoortitsisoqarpoq taamaalilluni ukiut tulliuttut pingasut iluanni pilersaarusrorseqarluni ilinniartut amerlanerusut ilinniakkani atuagarsorfiunngitsuni aallartittalernissaat, taamaasilluni 2015-imi ilinniartut 100-nik amerli-neqassallutik, 2016-imiillu ilassutitut ukiut tamaasa ilinniartut 250-inik amerlanerusut tigune-qartalissallutik. Ilassutitut ilinniartussatut tiguneqartartussat naatsorsuutaavoq atuagarsorfiunngitsuni ilinniartuusarnissaat. Naalakkersuisunut qitiulluinnarpoq siunnerfilersukkamik inuu-

suttunut inuunertik naallugu suliffeqartussanut suliniutinik pilersitsisoqarnissaa, naak taakkua nukittunerpaamik atuarfimmi ingerlatsisimannngikkaluartut.

Piareersarfik aaqqissuussaavoq inuusuttunik nukissaqannginnerusunik sullissinissamut, inuusuttunut toqqaannartumik ilinniarfinnut ingerlaqqittartunut, inuunerminnilu siunnerfeqareersunut sanilliullugu. Piareersarfiiit taamaattumik aaqqissuussaareerput inuusuttunut siunnerfilersuisutut, sakkussaannillu pilersitsisutut inuusuttut nammineq inuunerminnik ingerlatsisinnaanngornissaannut.

Naalakkersuisullu aamma nalilersuinermik aallartitsisimapput, suliassat akisussaaffiillu Piareersarfiiit aamma inuusuttunut ilinniarfiit akornanni agguataarneqarnerat pillugu, inuusuttut tigussaasunik aamma tigussaasuuungitsunik piginnaaneri eqqarsaatigalugit, ilinniagaqarnisamut piareersimalernissaat siunertaralugu. Suliamit nalunaarusiaq naatsorsuutigineqarpoq 2015-ip naalernerani saqqummissasoq. Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoqarfik suliami allaffeqarfiuvoq.

*Kiisalu GE-p nalunaarpaa kommuninut peqqissaartumik paaseqatigiissutigisariaqartoq ilutsinik assigiinngisitaartunik atuisoqartariaqannginnersoq, illoqarfiiit qanoq angitiginerat tunngavigalugu.*

Inatsisisstatut siunnersuutip suliarineqarneranut atatillugu kommunit aamma Namminersorluitik Oqartussat akornanni ataatsimeeqatigiittooqartarsimavoq, soorluttaaq siunnersortinik sulifissarsiuussisarnermk pikkorissaqqinnernillu suliaqartunik tikeraartoqartarnikuusoq.

Suliamilu tassani annertuumi immikkuualuttortalersukkanik suleriaatsit allaaserineqarneranik Kalaallit Nunaanni illoqarfinni amerlanerni suliaqartoqarnikuulluni.

Taamaattumik inatsisisstatut siunnersuut peqqissaartumik tunngavissiuunneqarsimavoq, aammalu ataqtigisihaariffiusunik ataatsimiinnernik amerlasuunik kommunit kiisalu KANUKO-KA peqatigalugit ingerlatsisoqartarsimalluni, apeqquutit isumaqatigiinngissutaasinnaasut naapeqatigiiffingiinarlugit.

Naammassisassanut isumaqatigiisummi anguniakkat soorunami pisariaqartitsinermik pissuviusunillu ersersitsisassapput.

*IMAK tusarniaanermut akissumminni allappoq allanguinerit kingullermik tusarniaasoqaraneranut sanilliullugit siunnersummik atoruminarnerulersitsisut.*

*Ilutigisaanik IMAK-ip ilanngullugu nassiuppaq kingullermik tusarniaasoqarmat, - augustimi 2014-imi – akissuteqaaterlik:*

*IMAK-ip annertunerusutigut siunnersuut taperserpaa, kisiannili innersuullugu malugeqqu-llugu Sisimiuni Piareersarfiup namminersortunngorsarneqarsimanera.*

Naalakkersuisut suliaq ilisimavaat, kisiannili suliat ataasiakkat inatsisisstatut siunnersuummut nasuiaatini oqaaseqarfingineqarsinnaanngillat.

*IMAK-ip kaammattuutigaa qularnaarneqassasoq pisussaaffeqartoqarnersoq suliffisanut, ilit-sersuisarnernut pikkorissaqqinnernullu qitiusumik ingerlatsiveqarnissaa, aammalu tamanna illoqarfinni suliamik namminersortunngorsaaviusimasuni atuunnersoq.*

Soorlu siunnersuummi ertsittooq, kommunalbestyrelse pisussaaffeqarpoq suliffisanut, ilit-sersuisarnernut pikkorissaqqinnernullu qitiusumik ingerlatsivinnik illoqarfinni tamani pilersitsinissamut. Taamaasilluni aamma tamanna atuutissaq illoqarfinni sulianik namminersortunngorsaaviusimasuni.

*IMAK-ip nalunaarpaa inatsisip oqaasertaani ersarissarneqartariaqartoq Naalakkersuisut akuerisinnaaneraat suliassaqarfiup namminersortunut suliariumannittussarsiuunneqarsin-naanera.*

Inatsisip §§-iini 4-mi aamma 5-im i aqunneqarput kommunalbestyrelsip suliffisanut, ilit-sersuisarnernut pikkorissaqqinnernullu qitiusumik ingerlatsivinnik pilersitsinissaa ingerlatsi-nissaalu.

Periarfissaqanngilaq kommunit pisortatut suliassaasa suliariumannittussarsiuussinikkut allan- nut suliassangortinneqarnissaat. Ingerlatsinermi suliassat, assersuutigalugu eqqiaaneq aputaa- jaasarnerlu kommuninut pisinnaatitsissut naapertorlugu suliariumannittussarsiuunneqarsin- naapput.

*IMAK-p Naalakkersuisunut kaammattuutigaa isumaliutigeqqullugu nakkutilliineq qanoq ittoq suliffeqarfinnut namminersortunut aaqqissuunneqarsinnaanersoq, aammalu Naalakkersuisut qanoq pitsaassutsimik qulakkeerisarnissaat sulanut suliariumannittussarsiuunneqarsimasu- nut tunngatillugu.*

Naalakkersuisut kommunalbestyrelsintut naammassisassanut isumaqatigiissuteqarsimapput, suliassat pineqartut pillugit. Taamaattumik Naalakkersuisunut periarfissaqarpoq nakkutilliis- salluni, kommunalbestyrelsit suliassat eqqortumik suliarisareraat pillugu, naammassisassanut isumaqatigiissummi akiliutissanut pineqartunut sulianik naammassinnitarneq apeqquaam- mat. Inatsimmi uani § 7 aamma atuuppoq, ingerlatsinermik suliani kommunalbestyrelsit suli- riemannittussarsiuullugu allanut suliassaanngortissimasaanni.

Nakkutilliinermik § 7 naapertorlugu ingerlatsinerni paasineqarpat suliassaq kiffartuussinissamut isumaqatigiissut naapertorlugu suliarineqanngitsoq, § 9 naapertorlugu kommunimut aki-liutaasussaniit uninngatitsisoqarsinnaavoq.

*Naalakkersuisut Siulittaasuata Naalakkersuisoqarfiani Nunami namminermi pissutsinut immikkoortortaqarfijup siunnersuut Iniuussutissarsiornermut, Suliffeqarnermut Niuernermullu Naalakkersuisoqarfimmik ataatsimeeqateqarnikkut misissorsimavaa, siunnersuummullu oqaaseqaatissaqarani.*

*Ilaqutariinnermut, Naligiissitaanermut Isumaginninnermullu Naalakkersuisoqarfijup apeqqutigaa suli pisariaqassanersoq innuttaasumut ataatsimut iliuusissatut pilersaaruso-orthoqartarnissaa arlaqartunik, pisortanit ikorsiissuteqartarnerni aammalu suliffissarsiortarnerni.*

Aallaaviusoq tassaavoq sapinngisamik innuttaasumut ataatsimut iliuusissatut pilersaarummik ataasiinnarmik suliaqartoqartarnissaa. Iliuusissatut pilersaarut aallaavittut paasissutissanik piviusunik taamaallaat imaqartassaaq, kommunip iluani immikkoortortanut assigiinngitsunut ingerlatsinneqarsinnaasumik. Iliuusissatut pilersaarusiaq paasissutissanik inuup kisimi pigisssaanik imaqarsimatillugu, immikkoortortap allap sulinerani sunniuteqartussaanngitsunik, taava immikkoortortap paasissutissanik immikkoortortamut allamut ingerlatitseqqittup paasis-sutissat taakkua peertariaqarpai paasissutissanik ingerlatitseqqinnginnermi. Kommunimi immikkoortortaq kissaateqarsimappat iliuusissatut pilersaarummik kommunimit allamit piniarniarluni, pisariaqarsinnaavoq inuup pineqartup akuersiseqqaarnissaa.

*Ilaqutariinnermut, Naligiissitaanermut Isumaginninnermullu Naalakkersuisoqarfijup nalu-naarpaa assortuttoqarpasimmat siunnersuummi aamma suliffissarsiussisarneq pillugu Inatsisartut inatsisaanni, § 10, imm. 3-mi.*

Assortuttoqanngilaq, tamanna taamaallaat pissuteqarpoq inatsimmut teknikkimi assigiinngissummik.

*Ilaqutariinnermut, Naligiissitaanermut Isumaginninnermullu Naalakkersuisoqarfik aperivoq pisortanit ikorsiissutit qanoq pineqassanersut innuttaasoq cv-minik suliffisanut quppersak-kamut ilisisinnaanngippat, qitiusumillu ingerlatsiviup sulisukinneq pissutigulugu tamanna naammassisinnaanngippagu.*

Innuttaasup inatsisit atuuttut piumasaqaataat naammassisimappagit, taava taanna inatsisit naapertorlugit ikorsiissutinik tigusassaminik tunineqassaaq.

*Ilaqutariinnermut, Naligiissitaanermut Isumaginninnermullu Naalakkersuisoqarfik aperivoq paasissutissanik paarlasseqatigiissinnaaneq sorianik ingerlatsisarneq pillugu inatsimmi § 28 naapertorlugu qanoq periarfissaqarnersoq.*

Pisortat ingerlatsineranni suliassat sularineqartarnerat pillugu Inatsisartut inatsisaat nr. 8, 13. juni 1994-imeersumi § 28, imm. 2-mi ilaatigut aalajangiunneqarpoq una:

”3) paasisimalikkap ingerlateqqinnissaa inatsisitigut imaluunniit inatsit malillugu aalajanger-sakkatigut ajornartitaanngippat,

4) ingerlatitseqqinnej pissappat inuinnartut imaluunniit pisortaqarfittut soqtigisat, soqtigisanit isertuussinissamut pissutaasunit, tamakkununnga ilangullugit soqtigisat paasissutis-

siissutigineqartussamut tunngasut, annertunerujussuit sulissutiginissaannut, imaluunniit,

5) ingerlatitseqqinnej suliassap sularinerani pisariaqarpat imaluunniit pisariaqarpat oqartussaasut nakkutilliinermik imaluunniit misissuinermit suliassaminik naammassinninnisaannut.”

Soorlu nalinginnaasumik nassuaatini ersittoq ilaatigut sorianik ingerlatsinermut atatillugu pisariaqartarpoq paasissutissanik ingerlatitseqqittarneq, taamaattumillu ullumikkut periarfissaareerpoq pisariaqlunilu paasissutissanik ingerlatitseqqittarneq. Nalornisoortoqarsinnaanera pinngitsoorniarlugu maanna ersarissumik aalajangersagaliortoqarpoq, paasissutissat ingerlatitseqqinnejqartarnerat pillugu. Tamatumali soorunami allanngortinngilaa, paasissutissat pineqartumut naleqquttut kisimik ingerlatitseqqinnejqarsinnaanerat.

*Ilaqutariinnermut, Naligiissitaanermut Isumaginninnermullu Naalakkersuisoqarfik up inasutigaa imm. 3-mik § 7-imik ikkussisoqassasoq (maanna § 9) tassanilu ersissasoq nalilinnik uninngatitsineq imm. 2 naapertorlugu innuttaasup ikioriissutinik tunineqarsinnaaneranut attuissanngitsoq.*

Siunnersuut malinneqanngilaq. Innuttaasup inatsisit naapertorlugin ikioriissutinik pissarsiinnaanera qitiusumik ingerlatsivinnut tapiissutinik annikillisitsinermit attorneqarneqartangimmat.

*Ilaqutariinnermut, Naligiissitaanermut Isumaginninnermullu Naalakkersuisoqarfik aperivoq innuttaasut kikkut suliffissarsiortuunngitsut pikkorissaqqinnermik neqeroorfingineqarsinnaasuunersut.*

Periarfissaqartitsisoqarpoq neqerooruteqarsinnaaneq innuttaasunut suliffissarsiortutut isigineqanngitsunut, kisiannili pikkorissaqqinnissamik pisariaqartitsisuusunut.

Tassaasinnaapput innuttaasut tullarsaqatigiit aappaanniamma pingajuanni inissisimasut.

*Ilaqutariinnermut, Naligiissitaanermut Isumaginninnermullu Naalakkersuisoqarfik aperivoq IT-REG atorneqarsinnaanersoq isumaginnittoqarfinni IT-mi atortorissaarutit suleqatiginerisigut?*

Inuussutissarsiornermut, Suliffeqarnermut Niuernermullu Naalakkersuisoqarfip it-reg iner- artortileruttorpaa, taanna paassisutissanik inunnut tunngasunik malussajasunik imaqarsinna- lersinniarlugu (paassisutissat assersuutigalugu isumaginninnermut siunnersortinit taamaallaat atorneqarsinnaasut) taamalu aamma isumaginnittoqarfinnit atorneqarsinnaasut.

*Ilaqutariinnermut, Naligiissitaanermut Isumaginninnermullu Naalakkersuisoqarfik sulisorisat pikkorissaqqinnejartarnissaannut tunngatillugu arlalinnik apeqququtissaqarpoq.*

Nassuiaatit kingornagut allangortinneqarput. Taarsiullugulu § 4-mi aalajangersakkamik suli- aqartoqarluni.

*Ilaqutariinnermut, Naligiissitaanermut Isumaginninnermullu Naalakkersuisoqarfik apeqququteqarpoq innuttaasut nunaqarfinni aamma illoqarfiiit avataanni najugaqartut atuga- risaannut kingunerisassai pillugit.*

Inuit tamakku suliffisanut, ilitsersuisarnernut pikkorissaqqinnernullu qitiusumik ingerlatsi- vinnit illoqarfimmi qaninnermiittumit sullinneqartassapput. Taamaasilluni maanna aaqqissu- ussinerusumiit pissutsit allannguiteqassanngillat, innuttaasut suliffissarsiuussisarfinnit Pia- reersarfinniillu illoqarfimmit qaninnermiittumit sullinneqartarmata.

*Ilaqutariinnermut, Naligiissitaanermut Isumaginninnermullu Naalakkersuisoqarfip nalunaarpaa § 2, imm. 2-mut tunngatillugu nassuiaatinik amigaateqartutut ittoq.*

Tamanna ilumoorpoq. Kingusinnerusukkut aalajangersakkamut allannguiteqartitsisoqarpoq, taamalu kukkuneq iluarsineqarluni.

*Kommune Kujalleq (KK) tusarniaanermut akissummini arlalitsigut uparuaalluni nalunaarpoq Kommunip siunnersuut ajornartorsiutitaqartikkaa, oqaatigalugulu kommuninut namminernut ersarinnerusumik aaqqissuussaanissaq suliaritinneqaannarsinnaasoq.*

*KK-ip nalunaarpaa kommunit missingersuusiortarnermut pisinnaatitaaffiannik namminersor- lutik oqartussanut nuussinerusoq, tamannalu kommuninik aqutsinermut inatsimmut akerliu- soq.*

Takuneqarsinnaanngilaq kommunit missingersuusiortarnermut pisussaaffiannik nuussisoqarnera, naammassisassanut kommunip Namminersorlutilu Oqartussat akornanni isumaqatigiisuteqartoqartarneratigut.

Tamatumani innersuunneqassaaq allakkiaq "Suliffissarsiuussisarfiiit aamma kommunimi ingerlatsiviit sinnerisa akornanni suliassat agguanneqarnerat", Kommunit Kattuffianniit sullaasoq.

Allakkiami pineqartumi nassuaateqarfingineqarput danskit suliffissarsiuussisarfiiisa kommunilu ingerlatsiviit allat akornanni suliat qanoq agguataarneqarnersut, tamatumani aamma aningaasat ikorsiissutit tunniunneqartarnerannut allaffiup aamma innuttaasunik kiffartuussivimmi suliassat inisisimasut.

Allakkiami ersarissumik nassuaavagineqarput danskit inatsisaat aamma nalunaarutit arlaqartut naapertorlugit suliffissarsiuussisarfinni suliassat suliarineqartartut suuner, takuuk "Nalunaarut; tassani erseqqissarneqarmat suliassat suut eqeersimaartumik suliffissarsiuussisarneq, isumaginninnermut politikki eqeersimaartoq aamma napparsimanersiutit pillugit inatsit naapertorlugu suliassat suut suliffissarsiuussisarfinit suliarineqartussaanersut."

Aamma takuuk una; "Tunngaviusumik oqaatigineqassaaq nalunaarut atuarneqartussaammat suliassat suliffissarsiuussisarfinni (jobcenter) *suliarineqartussatut*."

Allakkiamilu ersippoq;

"Kommunini suliffissaqartitsiniarnermi suliniutit suliffissarsiuussisarfimmit ingerlanneqartut" inatsit pineqartoq naapertorlugu imaqrpoq akisussaaffinnik aqutsinissamillu suliffissarsiuussisarnermi suleriaatsimik eqiingasumik, § 13, aamma nalunaarummi § 2:

- Inatsit pineqartoq naapertorlugu suliffissaqartitsiniarnermi eqeersimaartumik suliniutit tamarmik (inatsit naapertorlugu aningaasat tunniunneqartartut ilanngullugit).
- Isumaginninnermut politikkimi eqeersimaartumi suliffissaqartitsiniarnikkut suliniutit, napparsimanersiutinut inatsit, naartunermi meerartaarnermilu sulinngiffeqartarnermut inatsit aamma qimaasut akuulersinniartarnerannut inatsit, tassunga ilanngullugit qimaasutut nuuttut akuulersinniartarnerannut atatillugu danskisut ilinniartitaaneq, qimaasunut inatsit naapertorlugu.
- Suliffeqarfinnut sammititaasumik isumaginninnikkut neqeroorutit ingerlanneqarnerat.
- Ilinniartitaanerit immikkut aaqqissuussat.

Soorlu qulaani takuneqarsinnaasoq danskit nalunaarusiaanni suliassat ataasiakkaat qanoq aqunneqarnissaat aaqqissuussaavoq, soorlu siunnersummi uani aamma taamaaliortoqartoq.

*KK-p nalunaarpaa naligiissitsisoqartariaqartoq siunnersuutip § 1-ian suliffisanut, ilitsersuisarnernut pikkorissaqqinnernullu qitiusumik ingerlatsivinnik illoqarfinni tamani pilersitsinissat eqqarsaatigalugit, aamma ilinniartitaanernut inuussutissarsiutinullu siunnersuisarnernut Inatsisartut inatsisaata nr. 4, 29. november 2013-imeersumi § 11-ip akornanni, kommunini qitiusumik siunnersuisarnermut ingerlatsivinnik ingerlatsineq eqqarsaatigalugu.*

Nassuaatini erseqqissarneqareerpoq Inatsisartut inatsisaat ilinniartitaanermut inuussutissarsiutinullu siunnersuisarnernut tunngasoq tamarmi aamma suliffisanut, ilitsersuisarnernut pikkorissaqqinnernullu qitiusumik ingerlatsivinnut, siunnersuut una naapertorlugu pilersinneqartussanut aamma atuuttuusoq.

Ilinniartitaanermut inuussutissarsiutinillu siunnersuisarneq pillugu Namminersorlutik Oqartussat inatsisaanni nr. 4, 29. november 2013-meersumi § 11-imi ersippoq communalbestyrelsip pisussaaffigigaa qitiusumik siunnersuisarfinnik pilersitsinissaq. Nassuaatinilu ersippoq pisussaaffik taanna Piareersarfuit pioreersut aqutigalugit naammassineqarsinnaasoq.

Siunnersuut una qitiusumik ingerlatsivinnut communalbestyrelsip pilersitassaant tunngasuovoq, suliffissarsiuussisarnermi, tamatumunngalu atatillugu ilitsersuisarnerni pikkorissaqqittarnernullu pisussaaffit naammassineqarnissaannut.

Taamaasilluni communalbestyrelsintut ajornannilaq Ilinniartitaanermut inuussutissarsiutinillu siunnersuisarneq pillugu Namminersorlutik Oqartussat inatsisaanni nr. 4, 29. november 2013-meersumi piussaaffit naammassinissaat, § 11 naapertorlugu suliffisanut, ilitsersuisarnernut pikkorissaqqinnernullu qitiusumik ingerlatsivinnik pilersitsinikkut.

*KK-p ilanngullugu nalunaarpaa inatsisit pineqartut imminnut naapertuuttunngorsarneqartariaqartut, Inatsisartut Ilinniartitaanermut inuussutissarsiutinillu siunnersuisarneq pillugu inatsisaanni nr. 4, 29. november 2013-imeersumi § 25, naammassisassanut isumaqatigiissut eqqarsaatigalugu.*

Inatsimmi erseqqissarneqarpoq inatsimmi tassani aamma naammassisassanut isumaqatigiissut tunngavigalugu aaqqissuussisoqassasoq.

*KK-p nalunaarpaa § 2-mi, immikkoortoq e meeqqat atuarfiannik suleqateqarneq pillugu annerterusunik paassisutissanik imaqtariaqartoq.*

Ilinniartitaanermut inuussutissarsiutinillu siunnersuisarneq pillugu inatsit tamarmi aamma suliffisanut, ilitsersuisarnernut pikkorissaqqinnernullu qitiusumik ingerlatsivinnut siunnersuut una naapertorlugu pilersinneqartussanut aamma atuuppoq.

*KK-p nalunaarpaa ersarinnerusunik paasissutissaqanngitsoq "piareersaataasumik pikkorissartitsinerit" (ilinniagaqalernissamut suliffeqalernissamulluunniit) qanoq paasineqassanersut pillugit.*

Piareersaataasumik pikkorissarneq paasineqassaaq inuk imaluunniit inuit arlaqartut pikkorisarnissamut neqeroorfingineqartarnerattut. Qitiusumik ingerlatsiviit pikkorissartitsinernik ingerlatsisuuusut ersarinnerusumik ilusilersussavaat taakkua qanoq aaqqissuunneqarnissaat sunillu imaqtarnissaat.

*KK-p apequtigaa qanoq isumaqartinneqarnersoq pikkorissaqqittarnernut tunngatillugu nassuaatini allanneqarmat "tamatuma saniatigut" innuttaasut suliffissarsiortuunngitsut eqqarsaatigalugit.*

Suliffisanut, ilitsersuisarnernut pikkorissaqqinnernullu qitiusumik ingerlatsiviit inatsisit naapertorlugu kommunini suliffissariussisarnermi pikkorissaqqittarnermilu suliffissarsiortunuk sullissineq isumagisaraat.

Innuttaasunik suliffissarsiortuunngitsunik pikkorissartitsisarneq suliffissaqartitsiniarluni suli-niutini *suliassat* ilaginngilaat, taamaattumillu allanneqarpoq "tamatuma saniatigut".

Taakkua tassaasinnaapput inuit tulluarsaqatigiiit aappaanni pingajuanniluunniit inisisimasut.

*KK-p apequtigaa sooq nassuaatini eqqaaneqannginnersut atuagarsornikkut pikkorissartitsisarnerit, assersuutigalugu AEU aamma FA.*

§ 2, imm. 7-imi imaattumik allassimasoqarpoq: "Suliffissaaleqisut pikkorissarneqarnerannut atatillugu inuussutissarsiutinut pikkorissartitsinernik innersuussisassallutik. Suliffisanut ilitsersuisarnernut pikkorissaqqinnernullu qitiusumik ingerlatsiviit ilinniagaqalernissamut imaluunniit suliffeqalernissamut piareersaataasunik pikkorissartitsinernik ingerlatsisinaapput."

Ilinniagaqalernissamut piareersaataasumik pikkorissarneqarnerannut isumaqarpoq AEU-mi imaluunniit FA-mi ingerlatsineq.

*KK-p nalunaarpaa piginnaanngorsaaqqiinnersut ikorsiisarneq aamma suliffeerunnermut ikorsiissutit periarfikippallaarlutillu illuinnaasiorpallaartut, suliassaq taanna Kommune Kujallermi isumaginnitoqarfimmit suliarineqartarmat.*

Ullumikkutulli suliffisanut, ilitsersuisarnernut pikkorissaqqinnernullu qitiusumik ingerlatsiviit assersuutigalugu suliassarissavaat assersuutigalugu piginnaanngorsaaqqiinermik ingerlatsisitsisarneq suliffissaqartitsiniarnermut suliniutit ilaattut.

Tassalu aaqqissuussineq taamaasilluni suliffissaqartitsiniarnermut tunngasumik aaqqissuussinerit ilagaat, isumaginninnermi aningaasaliissutaangitsoq.

Soorlu ullumikkut taamaareersoq, ajornaqtissaqanngilaq aningaasanik tunniussisarnerup ingerlatsivimmi allamit suliarineqartarnissaa.

*KK-p nalunaarpaa inatsisisstatut siunnersuummi amigaataasoq inuuusuttut suli ilinniakkamik inuussutissarsiummilluunniit aallartitsisimanngitsut sumiiffiinut ornillugit ilitsersuisarnissap aaqqissuunneqarnera, tamanna Inatsisartut Ilinniartitaanermut inuussutissarsiutinllu siunnersuisarneq pillugu inatsisaanni nr. 4, 29. november 2013-imeersumi maleruagassiugaamat.*

Tamanna Ilinniartitaanermut inuussutissarsiutinllu Inatsisartut inatsisaanni maleruagassior-neqareersimammat pissutissaqartinneqanngilaq uani siunnersummi maleruagassioqqinnissaa.

*KK-p tikkuarpaa aamma ikaarsaariarnermut tunngasut maleruagassiorneqarsimanngitsut.*

Tamanna Ilinniartitaanermut Inuussutissarsiutinllu Inatsisartut inatsisaanni maleruagassior-neqareersimammat pissutissaqartinneqanngilaq uani siunnersummi maleruagassioqqinnissaa.

*KK-p tikkuarpaa periaarfissaqartitsisoqartariaqartoq kommunit suliassanik allanik suliffisanut, ilitsersuisarnernut pikkorissaqqinnernullu qitiusumik ingerlatsivinnut suliassiiarsin-naanerat.*

Inatsisisstatut siunnersummi siunertaavoq allaffissorneq suliassallu ataatsimoortumi suliffisanut, ilitsersuisarnernut pikkorissaqqinnernullu qitiusumik ingerlatsivinnut katersornissaat.

Innuttaasunik sullissineq pitsaanerpaaq tunniussinnaajumallugu aamma qitiusumik ingerlatsivimmi sulusuusunut atugassat pitsaanerpaat atugassaritissinnaajumallugit naliliisoqarsimavoq suliffisanut, ilitsersuisarnernut pikkorissaqqinnernullu qitiusumik ingerlatsiviit suliassanik allanik suliassersorneqassanngitsut, tamatumunnga ersarinnerusumik nalilersuinikkut pisari-aqtumillu inatsisiornikkut nukissanik pisariaqartunik ilassuteqarnermik kinguneqartumik aaqqissuussisoqanngippat.

*KK-p apeqqutigaa naatsorsuutigineqassanersoq inuussutissarsiutinut tunngaviusumik ilinniartitaanerni allannguiteqartitsisoqarumaartoq, tamanna nassuaatini eqqaaneqarsimangimmat.*

Uani inatsisisstatut siunnersummi nalilerneqarpoq inuussutissarsiutinut tunngaviusumik ilinniartitaanerni allannguutaasinnaasutut naatsorsuutigineqarsinnaasut aalajangiisuusumik sulif-

fissanut, ilitsersuisarnernut pikkorissaqqinnernullu qitiusumik ingerlatsivinnut isumalimmik sunniuteqassasut.

Akornutissaqaqnilaq kommunit suliniutinik nutaanik aallartitsisarsinnaanerat. Nalilerneqarpallu suliassat pineqartut nutaat suliffissanut, ilitsersuisarnernut pikkorissaqqinnernullu qitiusumik ingerlatsivinni suliarineqartassasut, periafissaqarpoq tamatumunnga tunngasumik inatsisiliornissaq, tamannalu pillugu ersarinnerusunik naammassisassanut isumaqatigiisummi aalajangersaanissaq.

*KK aperivoq inatsisissatut siunnersuutip aamma sulianik ingerlatsineq pillugu inatsimmi nalinginnaasumik aalajangersakkat paasissutissanik paarlaasseqatigiittarneq pillugu qanoq imminnut "nipilersoqatigiinnersut" pillugu.*

Pisortat ingerlatsineranni suliassat suliarineqartarnerat pillugu Inatsisartut inatsisaanni nr. 8, 13. juni 1994-imeersumi § 28, imm. 2-mi aalajangiunneqarpoq una:

"3) paasisimalikkap ingerlatseqqinnissaa inatsisitigut imaluunniit inatsit malillugu aalajangersakkatigut ajornartitaanngippat,  
4) ingerlatitseqqinnej pissappat inuinnartut imaluunniit pisortaqarfittut soqtigisat, soqtigisanit isertuussinissamut pissutaasunit, tamakkununnga ilanngullugit soqtigisat paasisutissiutigineqartussamut tunngasut, annertunerujussuit sulissutiginissaannut, imaluunniit  
5) ingerlatitseqqinnej suliassap suliarinerani pisariaqarpat imaluunniit pisariaqarpat oqartussaasut nakkutilliinermik imaluunniit misissuinermk suliassaminnik naammassinninnisaannut."

Soorluli nalinginnaasumik nassuaatini allassimasoq, ilaatigut sulianik ingerlatsinermut pisariaqarpoq paasissutissanik ingerlatitseqqittarneq, taamaattumillu aamma ullumikkut periafissaavoq pisariaqartarlunilu paasissutissanik ingerlatitseqqittarneq. Sutigullunniit nalornisoqarsinnaanera pinngitsoorniarlugu matumuuna ersarissumik aalajangersagaliortoqarpoq paasissutissat ingerlatseqqinnejqartassasut pillugit. Tamatumali soorunami allanngortinngilaa paasissutissat pineqartumut tunngasut suliamullu attuumassuteqartut kisimik ingerlatseqqineqarsinnaanerat.

*KK aperivoq suliffissanut, ilitsersuisarnernut pikkorissaqqinnernullu qitiusumik ingerlatsiviit ingerlanneqarnerannut aningaasaliissutit immikkut aningaasaliissutininggaaneersuunersut, imaluunniit Namminersorlutik Oqartussat kommuninut ataatsimoortumik tapiissutaanut ilanngunneqartuunersut.*

Qitiusumik ingerlatsiviit ingerlanneqarnerannut aningaasaliissutit § 9 naapertorlugu aqunneqarput. Immikkut ittumik aningaasaliissutaanngillat, kisiannili ataatsimoortunik kommu-

ninut tapiissutini qitiusumik ingerlatsiviit ingerlanneqarnissaannut immikkoortitaallutik, ullumikkut kiffartuussinermut isumaqatigiissut naapertorlugu Piareersarfitt ingerlanneqarnerannut aningaasaliissutaasartut ilanngullugit.

*KK-p tikkuarpaq aqutsinermut inatsimmut akerliussasoq qitiusumik ingerlatsivinni sulusunut tunngasumik isumaqatigiissuteqassalluni.*

Tamatumani innersuunneqassaaq allakkiaq ”Suliffissarsiuussisarfitt aamma kommunimi ingerlatsiviit sinnerisa akornanni suliassat agguanneqarnerat”, Kommunit Kattuffianniit sullaasoq.

Allakkiami pineqartumi nassuaateqarfingeqarput danskit suliffissarsiuussisarfisa kommunilu ingerlatsiviit allat akornanni suliat qanoq agguataarneqarnersut, tamatumani aamma aningaasat ikorsiissutit tunniunneqartarnerannut allaffiup aamma innuttaasunik kiffartuussivimmi suliassat inissisimasut.

Allakkiami ersarissumik nassuaavagineqarput danskit inatsisaat aamma nalunaarutit arlaqartut naapertorlugit suliffissarsiuussisarfinni suliassat suliarineqartartut suunerit, takuu ”Nalunaarut; tassani erseqqissarneqarmat suliassat suut equeersimaartumik suliffissarsiuussisarneq, isumaginninnermut politikki equeersimaartoq aamma napparsimanersiutit pillugit inatsit naapertorlugu suliassat suut suliffissarsiuussisarfinit suliarineqartussaanersut.”

Aamma takuuk una; ”Tunngaviusumik oqaatigineqassaaq nalunaarut atuarneqartussaammat suliassatut suliffissarsiuussisarfinni (jobcenter) suliarineqartussatut.”

Allakkiamilu ersippoq;

”Kommunini suliffissaqartitsiniarnermi suliniutit suliffissarsiuussisarfimmit ingerlanneqartut” inatsit pineqartoq naapertorlugu imaqarpoq akisussaaffinnik aqutsinissamillu suliffissarsiuussisarnermi suleriaatsimik eqiingasumik, § 13, aamma nalunaarummi § 2:

- Inatsit pineqartoq naapertorlugu suliffissaqartitsiniarnermi equeersimaartumik suliniutit tamarmik (inatsit naapertorlugu aningaasat tunniunneqartartut ilanngullugit).
- Isumaginninnermut politikkimi equeersimaartumi suliffissaqartitsiniarnikkut suliniutit, napparsimanersiutinut inatsit, naartunermi meerartaarnermilu sulinngiffeqartarnermut inatsit aamma qimaasut akuulersinniartarnerannut inatsit, tassunga ilanngullugit qimaasutut nuuttut akuulersinniartarnerannut atatillugu danskisut ilinniartitaaneq, qimaasunut inatsit naapertorlugu.
- Suliffeqarfinnut sammititaasumik isumaginninnikkut neqeroorutit ingerlanneqarnerat.
- Ilinniartitaanerit immikkut aaqqissuussat.

Soorlu qulaani takuneqarsinnaasoq danskit nalunaarusiaanni suliassat ataasiakkaat qanoq aqunneqarnissaat aaqqissuussaavoq, soorlu siunnersummi uani aamma taamaaliortoqartoq.

*KK-p nalunaarpaa aningaasaqarnikkut allaffissornikkullu kingunerisassai qularnaarneqas-sasut.*

Oqaatigineqassaaq kommunalbestyrelsit 2016-ip ingerlanerani inatsit atortuulersissagaat, pisariaqartunillu suliniuteqassasut. Ilanngullugu aamma oqaatigineqassaaq kommunalbestyrelsit Namminersorlutik Oqartusanut naammassisassanut isumaqtigiissuteqassasut 2016-ip naannginnerani.

Aningaasaqarnikkut allaffissornikkullu kingunerisassai allannguiteqangaatsiassasut naatsorsuutigineqanngilaq, ingerlatsineq maanna aningaasanut inatsimmi aningaasaliissutit kommu-nillu Piareersarfinnut aningaasartuutaasa iluanni ingerlanneqartussaammat, kiisalu kommu-ninut ataatsimoortumik tapiissutit iluanni suliffissarsiuussisarfiit ingerlanneqarnerannut aningaasaliissutaareersut iluanni.

*Ilanngullugu KK-ip apeqqutigaa atuagarsortuunngitsunut aningaasaliissutit agguataar-neqarnerat.*

Atuagarsortuunngitsunut ingerlatsinernut aningaasaliissutit ukiut tamaasa Aningaasanut inatsimmi aningaasaliissutinik tunngaveqartarput. AI2015-imi aamma AIS2016-imi malun-naatilimmik annertussusilinnik ilassutit immikkoortitsisoqarpoq. Taamaattoq angunia-gaavoq suliniutit ingerlanneqartut ataqtigiissumik ingerlanissaat. Kiisalu suliniutit aamma ingerlaavartumik illoqarfinni ataasiakkaani kommuninilu pisariaqartitsinermut naleqqussar-tagassaapput.

*Naggasiullugu KK aperivoq Piareersarfinnut ingerlatsinermut tapiissutit eqqarsaatigalugit allannguiteqassanersoq.*

Oqaatigineqassaaq kommunalbestyrelsit 2016-ip ingerlanerani inatsit atortuulersikkiartua-tussaagaat, pisariaqartunillu iliuusissanik ingerlatsissallutik. Ilanngullugu oqaatigineqassaaq kommunalbestyrelsit 2016-ip naannginnerani Namminersorlutik Oqartusanut naammassis-asanut isumaqtigiissuteqartussaasut.

Aningaasaqarnikkut allaffissornikkullu atugassarititaasut annertunerusumik allannguiteqas-sasut naatsorsuutigineqanngilaq.

*Qeqqata Kommunia (QK) nalunaarpoq kommunimi ilinniartitaanermut tunngatillugu ataatsi-mut siunertat anguniakkallu aammalu anguniakkat anguneqarsinnaaqquillugit suliniuteqarf-i-usussat sammineqarnerusariaqartut.*

*QK-mi isumaqarput suliffissarsiuussisarnermi pikkorissaqqinnernilu sulinuitit nukittorsarne-qarsinnaasut suliassat naammassiniartarnerannut aningaasaliissutit amerlineqarnerisigut.*

*Naggasiullugulu QK-p nalunaarpaa isumaginnittooqarfinni sulususut IT-REG-imut attaveqarsinnaanissaat pingaaruteqartoq, aammalu meeqqat atuarfianniit IT-REG-imut paasisutissanik nalunaarsuisoqarsinnaasariaqartoq.*

Inuussutissarsiornermut, Suliffeqarnermut Niuernermullu Naalakkersuisoqarfiiup maanna IT-REG ineriertortillugu ingerlappaa, paasissutissanik inunnut tunngasunik mianerisassanik aamma imaqarsinnaanngortinniarlugu (paasissutissat assersuutigalugu isumaginninnermut siunnersortinit taamaallaat takuneqarsinnaasussat), taamalu isumaginnittooqarfinnit atorneqarsinnaalersillugu.

*KANUKOKA tusarniaanermi akissuteqarpoq, tassanilu innersuullugit siusinnerusukkut 2014-imi siunnersuut tusarniaassutigineqarmat tusarniaanermut akissutigisatik.*

*KANUKOKA isumaqarpoq siunnersuut kommunit nammineersinnaanerannut toqqaannartumik killiliinerusoq, takuuk aqutsinermut inatsimmi tunngaviusut. Inassutigaallu peqqissaartumik nalilersorneqassasoq inatsisisstatut siunnersuut maanna suliassaqarfimmi aaqqissuus-sinermut pitsanngoriaataassanersoq.*

Tamatumani innersunneqassaaq allakkiaq ”Suliffissarsiuussisarfiit aamma kommunimi ingerlatsiviit sinnerisa akornanni suliassat agguanneqarnerat”, Kommunit Kattuffianniit sullaasoq.

Allakkiami pineqartumi nassuaateqarfingineqarput danskit suliffissarsiuussisarfiisa kommuninilu ingerlatsiviit allat akornanni suliat qanoq agguataarneqarnersut, tamatumani aamma aningaasat ikorsiissutit tunniunneqartarnerannut allaffiup aamma innuttaasunik kiffartuussivimi suliassat inisisimasut.

Allakkiami ersarissumik nassuaavagineqarput danskit inatsisaat aamma nalunaarutit ar-laqartut naapertorlugit suliffissarsiuussisarfinni suliassat suliarineqartartut suunerit, takuuk ”Nalunaarut; tassani erseqqissarneqarmat suliassat suut eqeersimaartumik suliffissarsiuussisarneq, isumaginninnermut politikki eqeersimaartoq aamma napparsimanersiutit pilligit inatsit naapertorlugu suliassat suut suliffissarsiuussisarfinnit suliarineqartussaanersut.”

Aamma takuuk una; ”Tunngaviusumik oqaatigineqassaaq nalunaarut atuarneqartussaammat suliassatut suliffissarsiuussisarfinni (jobcenter) suliarineqartussatut.”

Allakkiamilu ersippoq;

"Kommunini suliffissaqartitsiniarnermi suliniutit suliffissarsiuussisarfimmit ingerlanneqartut" inatsit pineqartoq naapertorlugu imaqarloq akisussaaffinnik aqutsinissamillu suliffissarsiuussisarnermi suleriaatsimik eqiingasumik, § 13, aamma nalunaarummi § 2:

- Inatsit pineqartoq naapertorlugu suliffissaqartitsiniarnermi eqeersimaartumik suliniutit tamarmik (inatsit naapertorlugu aningaasat tunniunneqartartut ilanngullugit).
- Isumaginninnermut politikkimi eqeersimaartumi suliffissaqartitsiniarnikkut suliniutit, napparsimanersiutinut inatsit, naartunermi meerartaarnermilu sulinngiffeqartarnermut inatsit aamma qimaasut akuulersinniartarnerannut inatsit, tassunga ilanngullugit qimaasutut nuuttut akuulersinniartarnerannut atatillugu danskisut ilinniartitaaneq, qimaasunut inatsit naapertorlugu.
- Suliffeqarfinnut sammititaasumik isumaginninnikkut neqeroorutit ingerlanneqarnerat.
- Ilinniartitaanerit immikkut aaqqissuussat.

Soorlu qulaani takuneqarsinnaasoq danskit nalunaarusiaanni suliassat ataasiakkaat qanoq aqunneqarnissaat aaqqissuussaavoq, soorlu siunnersuummi uani aamma taamaaliortoqartoq.

*KANUKOKA-p siunnersuutigaa suleqatigiinnermik ingerlatsiviusussamik aaqqissuussinermik pilersitsisoqassasoq, suliffisanut, ilitsersuisarnernut pikkorissaqqinnernullu qitiusumik ingerlatsivimmuit, isumaginnittoqarfimmuit aamma meeqyat atuarfianniit sinniisoqartumik.*

Siunnersuut tusaatissatut tiguneqarloq, inatsisillu oqaasertaa kiisalu inatsimmut nassuaatit iluarsineqarlutik.

*KANUKOKA-p aamma siunnersuutigaa inatsisissamut nassuaatini ersissasoq paasissutissanik paarlaasseqatigiittarneq aamma inunnut tunngasumik paasissutissanut malussajasunut atortinneqassasoq. Kiisalu paasissutissanik paarlaasseqatigiittarneq akuersissutitaqanngitsumik pisinnaanersoq.*

Nassuaatini erseqqissarneqarloq paasissutissanik paarlaasseqatigiittarneq ingerlanneqartas-sasoq pisortat ingerlatsineranni suliassat suliarineqartarnerat pillugu inatsit naapertorlugu.

*KANUKOKA-p nalunaarpaa kommunimik oqaloqatiginnittoqaqqaartariaqartoq aningaasaliissutinik ilanngaasoqannginnerani.*

Pissusissamisuussaaq tamanna sioqquillugu kommunimik oqaloqateqartoqarnissaa. Soorluli nassuaatini erseqqissaatigineqartoq aalajangersagaq pineqartoq pineqaatissiinertut aalajangersagaanngilaq, kisiannili aalajangersagaalluni Namminersorlutik Oqartussat suliaasimangitsunut akiliuteqannginnissaannut.

*Naggasiullugu KANUKOKA-p nalunaarpaa pingaaruteqartuusoq kommunit qitiusumik inger-latsivinnik pilersitsinermut aningaasartuutaasunut ingerlanneqarnerannullu tamakkiisumik matussutissarsineqarnissaat.*

*Aningaasaqarnermut Naalakkersuisoqarfíup tikilluaqquaa kommunit suliassaqarfímmi uani suliassaat ataatsimut katarsorneqarmata aammalu suliassat akisussaaffíillu ataatsimoortin-neqarmata.*

*Aningaasaqarnermut Naalakkersuisoqarfíup nalilerpaa, pingaartuusoq siunnersuut naapertorlugu kommunit aaqqissuussisinnaalermaata isumannaarniarlugu suliassat § 2 naapertorlugu suliassaasut naammassisiniarsinnaajumallugit, kiisalu aamma sulisoqarnermikkut nunallu suatungaani inisisimaneq naapertorlugin kommuniini ataasiakkaani mianerisassanik aamma isiginiagaqarsinnaaalissallutik.*

*Aningaasaqarnermut Naalakkersuisoqarfíup nalunaarpaa nassuaatini imm. 2.3-mi erseqqis-sartariaqartoq nalilersuineq kimit suliarineqartussaanersoq.*

Siunnersuut tamatuma kingorna naleqqussarneqarpoq, kisianni ilisimatitsissutigineqassaaq naammassisassanut isumaqatigiisummi naammassisassatut anguniakkat anguneqarsimanersut Naalakkersuisunit nalinerneqartassammata.

Soorluli inatsimmi aalajangersakkami ertsittoq Naalakkersuisut taakkuupput annikilliliisinnaasut, taamalu aamma Naalakkersuisut taakkuusut nalilersuisussaataitasut.

*Aningaasaqarnermut Naalakkersuisoqarfíup pingaartippaa kommuninut angusassatut siunnerfiusunik ersarissunik isumaqatigiissteqartoqartassasoq.*

*Aningaasaqarnermut Naalakkersuisoqarfíup nalunaarpaa ersarinngitsoq ilinniartut amerlerusut tiguneqartalernissaat tamatumunngalu atasumik aningaasartuutit tooqqaannartumik AIS2016 aallaavigalugu pissanersut.*

Tamanna naleqqussarneqarpoq.

*Aningaasaqarnermut Naalakkersuisoqarfíup nalunaarpaa nassuaatit imm. 4-mi siunnersuut aningaasaqarnikkut imaluunniit allaffissornikkut inuussutissarsiortunut kinguneqartussaan-ninginnerarmassuk eqquivissumik ersersitsinerunngitsoq.*

Inuussutissarsiortut kiffartuussinermik pitsaanerulertumik malugisaqassapput, sulisussanik innersuussisarneq aamma nunanit allanit sulisussanik atorfinititsisinnaanermut akuersissumik qinnuteqartarneq eqaannerusumik suliarineqartalissammata.

Oqaatigineqassaaq kommunalbestyrelsit 2016-ip ingerlanerani inatsit atortuulersittussaam-massuk, pisariaqartunillu iliuusissanik suliaqartussaallutik. Ilanngullugulu aamma oqaatigi-neqassaaq kommunalbestyrelsit naammassisassanut isumaqatigiissuteqartussaammata Nam-minersorlutik Oqartussanut 2016 naatinnagu. Naammassisassanut isumaqatigiissut maanna kiffartuussinermut isumaqatigiissutaasumut taartaassaaq.

*Aningaasaqarnermut Naalakkersuisoqarfíup siunnersuutigaa nassuaatini § 2-mi, imm. 1-im nr. 3-mut aatsitassarsiornerup aamma utoqqarnik sullissinerup kingorna "ilassusiisoqas-sasoq" aamma inuussutissarsiutit allat annertusiartortunik pisariaqartitsisussat, tamatumani aamma takornariartitsineq".*

Siunnersuut tusaatissatut tiguneqarpoq nassuaatillu iluarsineqarlutik.

*Aningaasaqarnermut Naalakkersuisoqarfíup naggasiullugu siunnersuutigaa qanoq anner-tutigusumik IT-REG kommunini Piareersarfennilu atortuulersinneqareersimanersoq allaase-rineqassasoq, kiisalu aamma atortorissaarut kommunini aaqqissuussinernut allanut atassu-serneqarsinnaanersoq.*

IT-REG ullumikkut Piareersarfenni tamani atorneqarpoq, Suliffissarsiuussisarfinnilu amerla-nerpaani. IT-REG aamma inuussutissarsiutinut ilinniarfinni tamani PKU aamma AMA pikko-rissarsimasunik nalunaarsuinerni atorneqarpoq. GUX-it tamarmik IT-REG atorpaat ilinniaga-qartussanik nutaanik nalunaarsuinerni, GUX-imi ilinniagaqartoq taamaatikkaangat naammas-sigaangalluunniit.

Inuussutissarsiornermut, Suliffeqarnermut Niuernermullu Naalakkersuisoqarfik maanna IT-REG-imik ineriartortitsinermik ingerlatsivoq, taanna paasissutissanik aamma inunnut tunngasunik immikkut malussajasunik imaqarsinnaalersinniarlugu ( paasissutissat assersuuti-galugu isumaginninnermut siunnersortinit atorneqarsinnaasunik) taamalu isumaginnitqar-finnit atorneqarsinnaasunik.

*Kommuneqarfik Sermersooq (KS) tusarniaanermut akissumminni allappoq isumaqarlutik siunnersuut kommunit aqunneqarnerannut inatsimmi § 1-imut akerliusq. KS isumaqarpoq siunnersuut nammineerluni aaqqissuussisinnaanermut akulerunnerusoq.*

Tamatumani innersuunneqassaaq allakkiaq "Suliffissarsiuussisarfiit aamma kommunimi in-gerlatsiviit sinnerisa akornanni suliassat agguanneqarnerat", Kommunit Kattuffianniit su-liaasoq.

Allakkiami pineqartumi nassuaateqarfigineqarput danskit suliffissarsiuussisarfiisa kommuni-nilu ingerlatsiviit allat akornanni suliat qanoq agguataarneqarnersut, tamatumani aamma

ningaasat ikorsiissutit tunniunneqartarnerannut allaffiup aamma innuttaasunik kiffartuussivimi suliassat inisisimasut.

Allakkiami ersarissumik nassuaavagineqarput danskit inatsisaat aamma nalunaarutit arlaqartut naapertorlugit suliffissarsiuussisarfinni suliassat suliarineqartartut suuner, takuuk "Nalunaarut; tassani erseqqissarneqarmat suliassat suut eqeersimaartumik suliffissarsiuussisarneq, isumaginninnermut politikki eqeersimaartoq aamma napparsimanersiutit pillugit inatsit naapertorlugu suliassat suut suliffissarsiuussisarfinnit suliarineqartussaanersut."

Aamma takuuk una; "Tunngaviusumik oqaatigineqassaaq nalunaarut atuarneqartussaammat suliassat suliffissarsiuussisarfinni (jobcenter) *suliarineqartussatut*."

Allakkiamilu ersippoq;

"Kommunini suliffissaqartitsiniarnermi suliniutit suliffissarsiuussisarfimmit ingerlanneqartut" inatsit pineqartoq naapertorlugu imaqarpoq akisussaaffinnik aqutsinissamillu suliffissarsiuussisarnermi suleriaatsimik eqiingasumik, § 13, aamma nalunaarummi § 2:

- Inatsit pineqartoq naapertorlugu suliffissaqartitsiniarnermi eqeersimaartumik suliniutit tamarmik (inatsit naapertorlugu ningaasat tunniunneqartartut ilanngullugit).
- Isuqinninnermut politikkimi eqeersimaartumi suliffissaqartitsiniarnikkut suliniutit, napparsimanersiutinut inatsit, naartunermi meerartaarnermilu sulinngiffeqartarnermut inatsit aamma qimaasut akuulersinniartarnerannut inatsit, tassunga ilanngullugit qimaasutut nuuttut akuulersinniartarnerannut atatillugu danskisut ilinniartitaaneq, qimaasunut inatsit naapertorlugu.
- Suliffeqarfinnut sammititaasumik isuqinninnikkut neqeroorutit ingerlanneqarnerat.
- Ilinniartitaanerit immikkut aaqqissuussat.

Soorlu qulaani takuneqarsinnaasoq danskit nalunaarusiaanni suliassat ataasiakkaat qanoq aqunneqarnissaat aaqqissuussaavoq, soorlu siunnersummi uani aamma taamaaliortoqartoq.

*KS-ip nalunaarpaa naammassineqarsinnaanngitsoq piumasaqaat innuttaasup sumiiffimmut ataasiinnarmut saaffiginninnissaanut, avatangiisini pissutsit tunngavigalugit. KS-ip nalunaarpaa inissaqanngitsoq allaffissorneq ataatsimoorfimmut ataatsimut katersussallugu.*

Innuttaasup sumiiffimmut ataatsimut saaffiginnissinnaanissaanik oqarnermi isumagineqarpoq inuttaasoq ingerlatsivimmut ataatsimut saaffiginnissinnaassasoq. Tassalu imaanngilaq tigusaasumik katersuuffimmut ataatsimut, kisiannili kissatigineqartoq innuttaasumut sullissinerup ataqtigissaarluarneqarnissaa.

Taamaasilluni innuttaasoq Suliffisanut, ilitsersuisarnernut pikkorissaqqinnernullu Qitiusumik ingerlatsivimmut saaffiginninnermigut eqqortumik ilitsersorneqarsinnaassaaq.

*KS-ip nalilerpaa pissusissamisuunngitsoq naammassisassanut isumaqatigiisummi aningaasaliissutit isumaqatigiisutigineqarsimasut annikillilerneqarsinnaanissaat. KS-ip innersuuppa assersuutigalugu sulisussat pisariaqartinneqartutut amerlatigisut atorfinitisinnisaat ajornarmat.*

Soorluli § 9, imm. 2-mut nassuaatini nalunaarneqartoq aalajangersagaq pineqaatissiiserner- mut aalajangersagaanngilaq.

Taamaattumillu periarfissaqarsimanngippat sulisussanik isumaqatigiisutaasutut amerlatigi- sunik atorfinititsinissaq, taava pissusissamisoortumik atorfinititsinissamut aningaasaliissutinik ilanngaasoqassaaq. Periaaseq taanna atorneqassaaq kommune periarfissaqarsimanngimmat aningaasaliissutit atussallugit, taamaattumillu aningaasanik atorneqanngitsoortunik peqarluni, utertinneqartussanik.

*KS-ip nalunaarpaa IT-REG inunnut tunngasunik paasissutissanik malussajasunik imaqartin- neqarsinnaanngitsoq, soorlu peqqissutsimut paasissutissanik aamma inuup ajornartorsiutaan- nut tunngasunik, sorianik ingerlatsinermi ilisimassallugit pisariaqartuuusunik. Tamannalu inunnut tunngasumik paasissutissanut inatsimmut attuumassuteqartoq, isortuussisussaaner- mullu ataatsimut isigalugu.*

Danskit inunnut tunngasumik paasissutissanut inatsisaanni (persondatalov) aamma Kalaallit Nunaanni inatsimmi atuuttuusumi pissutsinik akornutissaqartitsisoqanngilaq inunnut tunngasumik paasissutissat isortuussassat IT-REG-mut nalunaarsornissaannut. Pisariaqassap- pallu IT-REG-imi aaqqissuussinernik killilersuutinik pilersitsisoqassaaq.

*KS-ip naggasiullugu nalunaarpaa kommunip naatsorsuutigigaa aningaasarutuutaanerusussa- nut tamakkiisumik matussuserneqassasoq.*

## **Siunnersummi aalajangersakkanut ataasiakkaanut nassuiaatit**

### *§ 1-imut*

Aalajangersakkami aalajangiunneqarpoq suliffisanut, ilitsersuisarnernut pikkorissaqqinner-nullu qitiusumik ingerlatsivimmik ataatsimik kommunimi illoqarfinni tamani pilersitsisoqas-sasoq. Illoqarfiiit tamarmik tamatumunnga atatillugu paasineqassaaq illoqarfiiit kommunitut 18-iusimasutut, kisianni Ivittuu ilangunnagu.

Tamanna tigussaasumik isumaqarpoq Suliffissarsiuussisarfiit aamma Piareersarfiiit ataatsimoortinneqassasut suliffisanut, ilitsersuisarnernut pikkorissaqqinnernullu qitiusumik ingerlatsivimmuk ataatsimut kommunini tamani illoqarfinni tamani. Katinneqarnerisigut qulakke-erneqassaaq innuttaasut ataasiinnarmik saaffiginniffissaqarnissaat, innuttaasullu ilitser-sorneqarnissamik pisariaqartitsisut, ilinniagassamut aamma suliffissamut tunngatillugu, ataatsimoortumik iliuusissatut pilersarusiuunneqartalernissaat.

Nunaqarfiiit inoqarfiiillu allat kiffartuunneqassapput ornittarlugit ingerlatsinikkut, kiisalu Nu-naqarfinni Siulersuisuniit innersuussisarnertigut. Qitiusumik ingerlatsiviup sorliup nunaqarfiiit sorliit sullitarissanerai communalbestyrelsinut pineqartunut isumaqatigiissutigineqassaaq, taamaasillunilu qitiusumik ingerlatsiviit pineqartut kiffartuussinissaminut pisariaqartunik atortussaminnik isumagineqassallutik.

Kommunalbestyrelsit akisussaaffigaat suliffisanut, ilitsersuisarnernut pikkorissaqqinnernullu qitiusumik ingerlatsivinnik pilersitsinissaq.

### *§ 2-mut*

Imm. 1-imi nr. 1-imut)

Nuna tamakkerlugu suliffeqarnermi ingerlatsineq tapersorsorsinnaajumallugu suliffisanut, ilitsersuisarnernut pikkorissaqqinnernullu qitiusumik ingerlatsiviit suliffisanik inner-suussisassapput, nunatta suatungaani luunniit suliffissaq pineqartoq inissisimagaluarpat. Suliffissarsiertoq akeqanngitsumik suliffisanut, ilitsersuisarnernut pikkorissaqqinnernullu qitiusumik ingerlatsivimmi siunnersorneqartassaaq, suliffissat suut nunami tamarmi inutta-qan-ngimmersut suliffissarsiortumullu suliffissat suut tulluartuunersut pillugit.

Qitiusumik ingerlatsiviit pissusissamisoortumik kommunimi pineqartumi innuttaasunik siunnersuisassapput ilitsersuillutilu, kisianni aalajangersakkat naapertorlugit innuttaasut siunner-sorneqartassapput nuna tamakkerlugu periarfissanut, tamatumani aamma nikilertorsinnaaner-mut aningaasaliissutinik qinnuteqarsinnaanermut.

#### **Imm. 1-imi nr. 2-mut)**

Suliffissanik innersuussinerit ilaatigut pisassapput Suliffissarsiuussisarneq il.il. pillugit Inatsisartut inatsisaat naapertorlugu, inatsisillu allat suulluunniit piffissami pineqartumi tamatumunnga atuuttut naapertorlugit. Naatsorsuutigineqarpoq nuna tamakkerlugu suliffissanut nittartagaq 2015-imi saqqummiunneqaruni suliffissanik innersuussisarnermi sakkulissasoq pingaaruteqartoq, Kalaallit Nunaanni atorfinnut sunulluunniit tunngatillugu. Pingaaruteqarpoq suliffissanut, ilitsersuisarnernut pikkorissaqqinnernullu qitiusumik ingerlatsiviit inuussutis-sarsiutilinnut oqaloqatiginnittuaannassasut qanimullu suleqatiginnillutik, sapinngisamik annertunerpaamik suliffissanut piusunut tunngatillugu innersuussisarneq sulisussanut piukkun-nartunut pitsaanerpaamik ingerlanneqarsinnaaqqullugu. Kalaallit Nunaanni suliffeqarnermik ingerlatsivimmut ataasiusumut suliat ingerlanneqarmata, qitiusumik ingerlatsiviit inuussutis-sarsiortunut Kalaallit Nunaanni tamarmiusumi ingerlatsisunut oqaloqatiginnittussaapput, ma-linnaaffigissallugillu inuussutissarsiornikkut suliniutit nunami tamarmi ingerlanneqartut.

#### **Imm. 1-imi nr. 3-mut)**

Suliffissanut, ilitsersuisarnernut pikkorissaqqinnernullu qitiusumik ingerlatsiviit suliffissanik innersuussisassapput suliffissarsiortunut tamanut, inuussutissarsiutini tamani, killilersugaan-ngitsumik. Siunissamut sammisumik naatsorsuutigineqarpoq annertusiartortumik suliffissanut aatsitassarsiornermi aamma inunniq isumaginninnermi innersuussisoqartarnissaa. Tamatumalu saniatigut aamma suliffissanut inuussutissarsiutini annertusiartortumik sulisussarsiuertus-saasuni, tamatumani aamma takornariartitsinermi.

#### **Imm. 1-imi nr. 4-mut)**

Aalajangersagaq ilassutaavoq Inatsisartut inatsisaannut nr. 4, 29. november 2013-imeersumut, tassani ilinniartitaanernut inuussutissarsiutinullu siunnersuisarneq inuussutissarsiutinut ilinniarfinnut suliassaatinneqarmat.

#### **Imm. 1-imi nr. 5-imut)**

Suliffissanut, ilitsersuisarnernut pikkorissaqqinnernullu qitiusumik ingerlatsivinnit ilinniarti-taanernut aamma inuussutissarsiutinut siunnersorneqartarnernut Inatsisartut inatsisaat naap-ertorlugit ornigulluni meeqqat atuarfianni klassini qaffasinnerni siunnersuisarneq ingerlan-neqartassaaq. Taamatut aaqqissuussisoqarpoq isumannaarumallugu ilinniartut ataasiakkaat tamar-mik pilersaaruteqartarnissaat meeqqat atuarfiata kingorna ilinniagaqarnissamut ima-luunniit suliffeqalernissamut. Kiisalu aamma aalajangiisuovoq meeqqat atuarfiata ukioqatigi-iaartumik Suliffissanut, Ilitsersuisarnernut Pikkorissaqqinnernullu Qitiusumik Ingerlatsivinnut ukiut tamaasa allassimaffinnik nassiussaqartarnissaa, taamaaliornikkut qitiusumik ingerlatsiv-iit meeqqat atuarfiata kingorna atuartut ataasiakkaalugit attavigisinnaaniassammatigit.

#### Imm. 1-im i nr. 6-imut)

Iliusissatut pilersaarutinik suliaqarneq ingerlanneqartassaaq sukkulluunniit inatsisit atuuttut naapertorlugit.

Innuttaasut suliffissarsiortut suliffeqarnermut isertersinnaanerannut imaluunniit uteqqissin-naanerannut pingaaruteqartumik tunngaviuvoq iliuusissamik pilersaarutip pikkorissaqqinnis-samut iliuusissanik pisariaqartunik ilaqaarnissaa, isumannaarumallugu suliffissarsiortup suliffeqalernissaa.

Aalajangiisuvorlu iliuusissatut pilersaarusat suliarineqartarnissaat kommunimi ingerlatsiviit allat qanilluinnartumik suleqatigalugit, tamatumani aamma inunnut isumaginninnermut allaff-ik aamma meeqqat atuarfiat, taamaaliornikkut tamakkiisumik qaammarsaavagineqartumik innuttaasumut suliffissarsiortumut iliuusissatut pilersaarusiortoqarsinnaaqquullugu - ataatsimik. Suleqatigiinneq taanna, aamma paasissutissanik paarlaasseqatigitarneq ingerlan-neqartassapput nalunaarsuisarnermut inatsit aamma sorianik ingerlatsisarnermut inatsit naap-ertorlugit.

#### Imm. 1-im i nr. 7-imut)

Pikkorissarnissanut innersuussisarnerit ilaatigut pisassapput suliffeerunnermi ikorsiissutit pillugit Inatsisartut peqqussutaat naapertorlugu, piginnaangorsaaqqinnissamut Inatsisartut inatsisaat aamma suliffissaaleqisunik suliersitsiniarneq pillugu peqqussut naapertorlugit. Pik-korissaanernut innuttaasup ilinniagaqarsinnaanermut piginnaangorsarfigisinnaasaanut aam-ma immikkut fagitigut pikkorissarnernut suliffeqarnermi ingerlatsivinnut sammiveqartunut innersuussisoqartassaaq.

#### Imm. 1-im i nr. 8-mut)

Aalajangersakkap aalajangiuppaq qitiusumik ingerlatsiviit suliffissaaleqisunik tulluarsaqati-giaanut immikkoortitserisassasut. Tulluarsaqatigiaanut immikkoortitserineq paasineqassaaq suliffissaaleqisunik nalilersuinermik tunngaveqartumik assigiaanut inissitserisarnertut.

Innuttaasunut tamanut sapinngisamik pitsaanerpaamik suliffeqarnermut sammivilimmik sulis-suteqartoqartarsinnaaqquullugu tulluarsaqatigiaanut eqqortumik immikkoortitserisoqartassaaq. Isumaginninnermut allaffimmik qanumut suleqateqarnermik pilersitsisoqartariaqarpoq, innut-taasut suliffissaaleqisut tulluarsaqatigiaanut inissitserneqartarnerannut atatillugu.

#### Imm. 1-im i nr. 9-mut)

Aalajangersakkami aalajangiunneqarpoq suliffisanut, ilitsersuisarnernut pikkorissaqqin-nernullu qitiusumik ingerlatsiviit suliassarigaat suliffissaaleqisunik nalunaarsuineq, ilaatigut suliffisanut quppersagaq iluaqutigalugu, taannalu 2015-im i saqqummiunneqassasoq naatsor-suutigineqarpoq. Soorluttaaq qitiusumik ingerlatsiviit inatsisit allat aamma tunngavigalugit nalunaarsuisartussaasut.

### *§ 3-mut*

#### Imm. 1-imut

Aalajangersakkami aalajangiunneqarpoq qitiusumik ingerlatsiviit aqutarigaat suliffissaarun-nermi ikorsiissutit aamma piginnaanngorsaaqqinnissamut ikorsiissutit, tamatumunnga inatsisit atuuttut naapertorlugit.

#### Imm. 2-mut

Piginnaanngorsaaqqinnermut pilersaarutit sukkulluunniit taakkununnga inatsisit atuuttut naapertorlugit pisassapput.

#### Imm. 3-mut

Suliffissanut, ilitsersuisarnernut pikkorissaqqinnernullu qitiusumik ingerlatsiviit nikilertorsinnaanermut tapiissutinik qinnuteqartunut tunngatillugu suliassanik ingerlatsisarnerat sukkulluunniit tamatumunnga inatsit atuttoq naapertorlugit pisassaaq.

#### Imm. 4-mut

Suliffissanut, ilitsersuisarnernut pikkorissaqqinnernullu qitiusumik ingerlatsiviit sulisussanik nunatta avataaniit atorfinititsinissanut qinnuteqaatinik suliaqartarnerat sukkulluunniit inatsisit tamatumunnga atuuttut naapertorlugit suliarineqartassapput.

### *§ 4-mut*

Aalajangersakkap assigaa ilinniartitaanernut inuussutissarsiuinullu siunnersuineq pillugu Inatsisartut inatsisaanni § 12.

#### Imm. 1-imut

Aalajangersakkami aalajangiunneqarpoq kommunalbestyrelse pisortatut atorfinititsisartuusut sinniisorigaat, siunnersuisartunut, sulianik ingerlatsisunullu, suliffissanut, iltsersuisarnernut pikkorissaqqinnernullu qitiusumik ingerlatsivinnut atatillugu, taamaattumillu communalbestyrelse aamma akisussaasusoq sulisuuusut inatsimmi piumasaqaatinik naammassinninnisaannut tunngatillugu.

Kiisalu aalajangersakkap naggataani piumasaqaateqarpoq qitiusumik siunnersuisarfiit illutaa-  
sa qanoq ittuunissaannut. Kommunalbestyrelse pisussaaffilerneqarpoq isumannaassagaa suliffissanut, iltsersuisarnernut pikkorissaqqinnernullu qitiusumik ingerlatsiviit suliassat pilersaarusiorneqarsinnaassasut, allaffinniillu naammaginartunit aallaaveqassasut. Tamanna peqquteqarpoq iltsersuisarneq suliniutinillu ingerlatsineq akornusersorneqanngitsumik ingerlanneqarsinnaassamat. Aalajangersagarli imatut isumaqanngilaq, kommunip iltsersuisar-  
nera taamaallaat kommunip iniutaani ingerlanneqarsinnaassasoq, soorluli tamanna soorunami pisinnaanngitsoq inuit ornillugit iltsersuisarnerni.

## Imm. 2-mut

Aalajangersakkap oqaaseqatigiivini siullerni piginnaasanut pingaarnertut piumasaqaatitut ersippoq siunnersuisartoq Naalakkersuisunit akuerisaasumik siunnersuisarnermut ilinniartitaanermik naammassinnissimassasoq, inatsit naapertorlugu ilitsersuinermik ingerlatsis-innaajumalluni. Aalajangersagaq immikkoortunik marlunnik pingaarnertut aalajangikkamik saneqqutsinissamut periarfissamik imaqarpoq. Saneqqutsisinnaaneq aalajangersakkamit pingaarnermut siulleq tassaavoq ilinniakkamik pineqartumik naammassinnissimanngikaluarluni ilitsersuisarnermik suliaqartoqarsinnaasoq, allamik suliffisanut, ilitsersuisarnermullu qitiusumik ingerlatsivimmi suliassanut naleqquttumik ilinniagaqarsimagaanni. Ilinniakkatut naleqquttutut Naalakkersuisunit akuerineqarsinnaasutut assersuutitut taaneqarsinnaavoq nunani allani ilinniagaasumik siunnersuinermut ilinniagaq. Tamatumani aamma Ilimatusarfimmi – Universitet-imi – ilinniakkat, imaluunniit isumaginninnermi siunnersortitut ilinniagaq pissutsit atuuttut naapertorlugit akuerineqarsinnaapput. Naalakkersuisut akuersinerat ilinniakkat pineqartut tunngavigalugit naliliinernik aallaaveqassaaq.

Aalajangersakkamik saneqqutsinissamut periarfissat aappaat uani aalajangersakkami oqaaseqatigiit aappaanniippoq, taannalu utaqqiisaasumik saneqqutsinissamut aalajangersagaavoq. Saneqqutsinissamut aalajangersakkap atorneqarsinnaaneranut piumasaqaataavoq inuk pineqartoq ilitsersuinissamut assigiinngitsutigut piginnaaneqartuussasoq, ilutigisaanillu ilitsersuisartutut ilinniakkamik ingerlatsisuussasoq, imaluunniit tamatumunnga assingusumik ilinniakkamik aallartitsingajalersuuneq. Tassalu aalajangersagaq taanna ataavartumik saneqqutsinissamut aalajangersagaanngilaq, tassami aalajangersakkami tunngaviummat pineqartumik ilinniagaqarnissamut piumasaqaataasup piffissap ingerlaneqarani naammassineqarnissa.

Naalakkersuisut inuuussutissarsiutinut ilinniarfiit suleqatigalugit ilinniakkat taakkua, imaluunniit pikkorissaqqinnerit taakkua neqeroorutigissavaat.

## § 5-imut

### Imm. 1-imut

Suliffisanut, ilitsersuisarnernut pikkorissaqqinnernullu qitiusumik ingerlatsiviit ingerlaneqarnerat aningaasaqarnikkut kommunimi allaffissornikkut ingerlatsinermut sulianullu al-lanut attuumassuteqanngitsumik ingerlaneqartassaaq. Taamatut aaqqissuussisoqassaaq isumannaarumallugu suliffisanut, ilitsersuisarnernut pikkorissaqqinnernullu sulianik qitiusumik ingerlatsivimmi piginnaasanik ineriartortitsisoqarsinnaanera, aamma isumannaaruma-llugu suliffissaaleqinerup annikillisinniarneranut aningaasaliissutaasut siunertaasut naapertorlugit atorneqarnissaat, kiisalu isumannaarumallugu eqaannerusumik assigiinnerusumillu suliffissarsiortunut tunngasumik suliat suliarineqartarnissaat. Suliffisanut, ilitsersuisarnernut pikkorissaqqinnernullu qitiusumik ingerlatsiviit taamaattumik kommunimi suliassanik allanik

suliassinneqartassangillat, aningaasaliissutaasullu ingerlatanut allanut atorneqassanatik, naammassisassanut isumaqtigisiissutaasumi aalajangersarneqarsimasut aningaasaliissutillugu saneqqullugit.

Imm. 2-mut

Suliffissanut, ilitsersuisarnernut pikkorissaqqinnernullu qitiusumik ingerlatsiviit aamma inuussutissarsiortut akornanni pitsasumik suleqatigiittooqarnissaa isumannaarumallugu pisinnaatitsisoqassaaq ataatsimiitaliamik siunnersuisuuusussamik pilersitsinissamut.

Ataatsimiitaliani taakkunani illuatungeriit oqaluuserisinnaassavaat iliuusissat isumassarsiallu, inuussutissarsiortullu isummanik saqqummiussuisarsinnaassapput suliassat qanoq ingerlanneqar-tarsinnaanerannut, qanorlu aaqqissuussinikkut innuttaasut pitsaanerpaamik ilitsersorneqartassanersut sumiiffimmi pineqartumi suliffeqalivinnissamut.

Imm. 3-mut

Ataqatigiissaarineq pitsaasoq isumannaarumallugu suliniutinillu ingerlatsineq pitsasumik ataqtigiiissikkusullugu, kommunini suleqatigiinnermut aaqqissuussinermik pilersitsisoqassaaq. Suleqatigiinnermut aaqqissuussineq ilaatigut isumannaariffiussaaq suleqatigiinnikkut iliuusissatut pilersaarutinik suliaqartarnermut, kiisalu aamma paasissutissanik naleqquttunik ingerlatsiviit susassaqartut akornanni paarlaasseqatigiittooqartarnissaanut.

Tamatumalu saniatigut ataqatigiissaakkamik tulluarsaqatigiaanut immikkoortitserisarnermi suliniutit ingerlanneqassapput, innuttaasumut namminermut iluaqusiisumik.

Suliffissanut, ilitsersuisarnernut pikkorissaqqinnernullu qitiusumik ingerlatsiviit suleqatigiffimmut allattoqarfiussapput, tassanilu aamma nakkutigineqassaaq ataqatigiissaarakuni ataatsi-miittarnernik ingerlatsisoqartarnissaa, pisariaqartitsineq naapertorlugu ingerlanneqartartunik, taamaattoq minnerpaamik qaammammut ataasiarluni.

*§ 6-imut*

Aalajangersagaq ikkunneqarpoq isumannaarumallugu paasissutissanik ingerlatitseqqittarneq suliffissanit, ilitsersuisarnernut pikkorissaqqinnernullu qitiusumik ingerlatsivinniit ingerlatsivinnut isumaginninnermut tunngasunik suliaqartunut.

Iliusissatut pilersaarutinik suliaqarnerni, sapinngisamillu suliffissarsiortut pitsaanerpaamik ikiorsersinnaajumallugit, suliffeqarnermut uteqqissinnaaqquullugit, pisariaqarsinnaasarpooq inunnut namminernut tunngasumik paasissutissat isumaginninnermut tunngasut pisorsiarineqarsinnaanissaat. Aalajangersakkap pineqartup isumannaassavaa tigussaasumik naliliiso-qarneratigut ingerlatsiviit akornanni paarlaasseqatigiittooqartarsinnaanera,

nalilerneqarpat suliffissarsiuussinerup, ilitsersuinerup pikkorissaqqinnernullu inner-suussinerup isumagineqarneranni tamanna pisariaqartuusoq.

Paasissutissanik paarlaasseqatigiittarneq pisassaaq inatsisit atuuttut naapertorlugit, tamatumani aamma pisortat ingerlatsiviini ingerlatsinermut Inatsisartut inatsisaat naapertorlugu. Taa-maattumik paasissutissanik paarlaasseqatigiissinnaanermi naatsorsuutaavoq paasissutissanik tigusisussap ilitsersuisarnerani sulianillu ingerlatsinerani paasissutissat atorfissaqartuunerat. Paasissutissat kommunit ingerlatsiviisa avataaneersunut tunngatillugu, soorlu meeqqat atuarfiaaniit, paasissutissanik paarlaasseqatigiinneq taamaallaat pisinnaavoq suliffissaaleqisup sullinneqartup akuersineratigut.

#### *§ 7-imut*

Suliffisanut, ilitsersuisarnernut pikkorissaqqinnernullu qitiusumik ingerlatsiviit tamakkiisumik malinnaaffigisinnaajumallugit, taamalu suliassat inatsisiliornermut naapertuuttumik aaqqissunneqarsinnaaqquullugit, tamanna pisariaqartinneqarpat, Naalakkersuisut suliffisanut, ilitsersuisarnernut pikkorissaqqinnernullu qitiusumik ingerlatsivinnut nakkutilliisuupput. Tamaisillunilu aamma periarfissaqassaaq suliffisanut, ilitsersuisarnernut pikkorissaqqinqnernullu qitiusumik ingerlatsivinni sulisuuusut siunnersorneqartarnissaat tapersorsorneqarnis-saa-lu, aaqqiiniartarnissallu, tamanna pisariaqartutut nalilerneqaraangat.

#### *§ 8-mut*

##### Imm. 1-imut

Nalunaarusiortarnerup Naalakkersuisut nakkutilliinerat ilalersussavaa, nukitorsassallugulu suliad inatsisiliornerullu imminnut naapertuuttuunissaat, tamatumunnga pisari-aqartitsisoqaraangat. Nalunaarusiortarnerup annertussusissaa imarisassaalu naammassisassanut isumaqtigiisummi ersissapput, ukumiillu ukiumut nalilerneqartassallutik kommunit naammassisassanut isumaqtigiisummi anguniakkanik naammassinnissinnaassusiat naap-erorlugu. IT-REG nalunaarusiortarnermi atorneqassaaq.

##### Imm. 2-mut

Naalakkersuisut nalunaarutikkut nalunaarusiortarnermut tunngatillugu aalajangersagali-orsinnaapput. Taakkualu tassaasinnaapput qanoq akuttutigisumik qanorlu iluseqartumik nalunaarusiortoqartassanersoq.

#### *§ 9-mut*

##### Imm. 1-imut

Naalakkersuisut kommunalbestyrelsillu akornanni naammassisassanut isumaqtigiisuteqartoqartassaaq. Siunertaavoq erseqqisumik nalunaarsussallugu suliassat suut suliffisanut,

ilitsersuisarnernut pikkorissaqqinnernullu qitiusumik ingerlatsiviit ingerlatassarineraat, taamalu aalajangerneqarsinnaaqqullugu, aningaasaliissutit tunniunneqartut suliffisanut, ilitsersuisarnernut pikkorissaqqinnernullu qitiusumik ingerlatsiviit siunertaannut atorneqartarnissaat. Kiisalu aamma siunertaavoq isumannaassallugu suliffissaqartitsiarluni suliniutit naammattumik pitsaassusilimmik ingerlanneqartarnissaat, suliffissaaleqisut najugaqavissut akornanni suliffissaaleqinerup appartinniarlugu kissaataasunut sanilliullugu.

Naammassisassanut isumaqatigiisummi aammattaaq nalunaarneqartassapput anguniakkat aamma aningaasartuutissanut missingersuusiat nunaqarfinnut inoqarfinnullu allanut tunngasut.

#### Imm. 2-mut

Naammassisassanut isumaqatigiisummi atugassarititaasut isumaqatigiisutigineqartut eqqortinneqanngippata, Naalakkersuisut periarfissaqarpot aningaasaliissutit tunniunneqartartut annikillinissaannut. Assersuutigalugu imaassaaq suliffisanut, ilitsersuisarnernut pikkorissaqqinnernullu qitiusumik ingerlatsiviit aningaasaliiffigineqarsimappata suliffissarsiuussisarfimmi siunnersortinik pingasunik atorfinititsinissanut, ataasiinnarmilli atorfinititsisima-llutik, taava Naalakkersuisut aningaasaliissutinik ikililerisinnaasut, kommunilu taamaasillu atorneqartuinnut naapertuuttunik aningaasaliiffigineqarluni.

Aalajangersagaq pineqaatissiinisamut aalajangersagaanngilaq, tamaallaalli isumannaaris-salluni Namminersorlutik Oqartussat suliarineqanngitsunut akiliinnginnissaannut.

#### *§ 10-mut*

#### Imm. 1-imut

Siunnersuutigineqarpoq Inatsisartut inatsisaat 1. januar 2016 atortuulissasoq. Oqaatigineqassaaq kommunalbestyrelsit inatsit 2016-ip ingerlanerani atortuulersissagaat, pisiaqartunillu iliuusissat aaqqissuullugit. Ilanngullugulu oqaatigineqassaaq kommunalbestyrelsit naammassisassanut Namminersorlutik Oqartussanut isumaqatigiisuteqassammata 2016-ip naannginnerani.

#### Imm. 2-mut

Atortuulersitsinermi atorunnaarsinnejqassapput § 5, imm. 1, imm. 3 aamma imm. 5 kiisalu § 12, Suliffeqarnermi innersuussisarneq il.il. pillugit Inatsisartut inatsisaanni nr. 5, 8. juni 2014-imeersumi, aalajangersakkat taakkua Piareersarfitt aaqqisuussaanerannut tunngammata, taarsiullugulu Inatsisartut inatsisaat una naapertorlugu qitiusumik ingerlatsivinnut pilersinneqartunut ilaallutik.

**Imm. 3-mut**

Aalajangersakkap nalunaarpaa nalunaarutit atortuulersinneqartut Suliffeqarnermi inner-suussisarneq il.il. pillugit Inatsisartut inatsisaanni nr. 5, 8. juni 2014-imeersumi § 5, imm. 5 naapertorlugu atortuuinnarallassasut, taarserneqarnissami imaluunniit inatsit una naapertorlugu atorunnaarsinneqarnissami imaluunniit inatsit alla naapertorlugu atorunnaarsinneqarnissami tungaanut.